

Entrante 2 di mei ta reintroduci Aruparking



Pagina 2

- **No tin rapport kwartaal 4-2023 ainda**

Pagina 3

- **Documentacion entrega pa Venezuela den consideracion pa reapertura di frontera**

Pagina 6

- **125, Telefon pa Adultonan Mayor a bira un realidad**

Pagina 4

Dentista Hendrik Marsman a haci denuncia pa cuido dental na Aruba



Pagina 3



Pagina 9

Peru ta crea ekipo di fiscal special pa
investiga morto den protesta



Pagina 10

Entrante 2 di mei ta reintroduci Aruparking

Aruparking ta keda un topico vigente den comunidad cu tin hopi incertidumbre rond di kico lo bay pasa cune. Ayera durante conferencia di prensa, minister encarga cu transport, Ursell Arends, a anuncia cu entrante luna di mei, Aruparking ta bay ta activo atrobe.

Den luna di october di aña pasa, den un entrevista cu Telearuba, director di Aruparking, Sr. Edwin Mohamed, a sigura cu Aruparking ta bay bin back pero cu un maneho nobo. Den luna di maart, Bon Dia Aruba a combersa cu Minister Arends tocante e topico aki tambe—e reintroduccion di Aruparking—y a puntra si por splica tocante e proceso of maneho nobo cu esaki ta bay tin y si ta bay tin cambio den ley.

Minister Arends a contesta cu “Aruparking ta bay tin un herstart di 2 fase: den e prome fase no lo tin un cambio di ley, pero den e segunda fase probablemente si lo bin



un cambio di ley y lo anuncia esaki despues.”

Durante e conferencia di

ayera, Minister Arends a confirma cu Aruparking ta wordo reintroduci den luna

di mei. “E meta ta pa reinicia Aruparking den luna di mei. Ainda falta pa finalisa tur e detayenan di con ta bay reactiva esaki, pero e meta ta cu den luna di mei ta reactiva Aruparking,” Minister Arends a indica contestando pregunta di un miembro di prensa.

Fuera di esaki, el a agrega, ta bay bin mas espacio pa parkeer den centro di ciudad y na mesun momento, el a anuncia cu tur e luganan di para auto (vaknan) cu ta geel y cu normalmente no mag di para aden si no ta paga pa e permiso, ta bay bira blanco. “Esey tambe lo trece un alivio grandi pa nos comunidad,” el a remarca.

Ariba nan pagina di Facebook oficial, Aruparking a publica un video ayera merdia tambe den cual nan a indica cu berdaderamente entrante 2 di mei Aruparking lo ta activo atrobe. E concepto, segun e video ta señala, ta cu mester paga dos florin pa por para na



cualkier di e luganan di para auto. E dos florin por wordo paga cash na e mashin of por paga esaki via pay.aw tambe.

Ministerio Publico ta bay retira apelacion den caso di asesinato di Poentje Castro

Ayera atardi, Ministerio Publico di Aruba a informa mediante un comunicado cu nan a dicidi pa retira e apelacion contra e absolucion (vrijspraak) di e sospechoso A.J.R. den e asesinato di John A. ‘Poentje’ Castro riba 22 di december 2010.

Corte den Prome Instancia a duna R. vrijspraak riba 24 di mei 2022—casi 12 aña despues di morto di Castro—debi na falta di prueba. Ministerio Publico a bay den apelacion contra e decision aki di hues, pero awor, despues di a bolbe studia e sentencia, Ministerio Publico a dicidi pa conforma. E motibo pa esaki ta cu e dossier actual no tin suficiente punto di referencia pa por yega na pruebanan legal y convincente den e caso.

E caso “Apollo” lo keda un ‘cold case’ y si na cualkier momento den tempo surgi mas prueba, esaki lo wordo habri di nobo.

Ministerio Publico a reuni awe cu famia di difunto Castro y a pone nan na haltura di e decision.

E homber A.J.R. ta sirbiendo actualmente un castigo di prizon den un otro caso.



Caso Apollo a culmina dia 24 di mei di aña pasa, unda comunidad a conoce e resultado di un di e casonan di asesinato mas polemico di e isla, caminda e unico sospechoso cu tabatin a wordo declara liber y Ministerio Publico a sali dilanti pa pidi disculpa pa perde e rapport oficial di e caso aki y nan tambe a menciona cu a e investigacion no a bay manera mester ta.

Den oranan di mainta di dia 23 di december di aña 2010, a haya e curpa sin bida di e periodista y presentador John A. Castro, miho conoci como “Poentje Castro” den su cura di cas, examen patologico a

conclui cu el a fayece pa via di perdida di sanger como resultado di dos perforacion di bala na su curpa.

Varios testigo den bisindario a wordo scucha na aña 2010 como parti di e investigacion, nan a afirma cu nan a scucha zonido di tironan e anochi anterior 22 di december di 2010. For di punto di bista di ekipo di investigacion na e momento ey, nan a conclui cu e victima a wordo asesina e anochi anterior cu balanan di arma di candela.

E investigacion den bisindario tambe a resulta den e recuperacion di e secuencianan di videonan graba e anochi

di 22 di december pa camaranan di seguridad ubica na un compleho di apartamento, cercano na e cas di Castro. Despues e imagennan di e video a muestra esun cu tabata sospechoso ta di inicialnan (A.J.R.).

Teniendo na cuenta cu no ta existi ningun prueba forensico cu ta ubica A.J.R. den escena di e crimen, Corte di Prome Instancia ta indica cu mester existi otro pruebanan mas fuerte pa señala cu A.J.R. a comete e delito cu nan ta acusa di dje.

E hecho cu A.J.R. a duna su declaracion pa su presencia den e bisindario unda e cri-

men a tuma luga no por wordo confirma pa testimonan (e tabata na e luga pa cumpra heroína), pero esey no ta nifica cu e declaracion por wordo califica como falso. Pa lo cual, no por wordo usa como un prueba legal.

Pa finalisa, Ministerio Publico a persigui A.J.R. sin e pruebanan suficiente pa por confirma su culpabilidad; unico prueba concreto cu nan tabatin ta cu A.J.R. tabata den bisindario e dia y ora cu Ministerio Publico ta sospecha cu Castro a wordo asesina, pero no tin ningun prueba forensico di e ora precies cu Castro a fayece.

E rapport di tur e testimonan ta contradeci e hipotesis di Ministerio Publico. Loke tambe a hala atencion ta cu nan a acusa A.J.R. di asesinato premedita, pero nan no a presenta ningun prueba si e tabatin planea pa mata Castro, Loke Ministerio Publico no a contesta ta con e rapport di un di e casonan mas grandi despues di Natalee Holloway a wordo perdi y a laga hopi mas pregunta cu contesta, solamente nan a pidi disculpa.

Dentista Hendrik Marsman a haci denuncia pa cuidu dental na Aruba

Ayera mainta, e dentista Hendrik Marsman a denuncia den medionan local un supuesto caso di un tecnico dental cu ta trahando como especialista, algo cu segun Marsman a bisa no ta permiti pa ley, cu ta indica cu un tecnico dental mester di un carta di referencia di un dentista e por haci trabou den boca.

Marsman a sigura cu e persona aki ta publica su trabounan y ta haci publicidad riba rednan social, pa lo cual Marsman a denunci'e caba y ta bisa cu e persona aki no a bay universidad y cu tampoco ta un especialista.

“Un dentista ta wak e patologia, ta wak si bo tin malesa di carni di djente, e ta wak si bo tin piedra of caries prome cu pone algo den bo boca, y akinan e meneer aki no ta academico; e no ta dentista, e no por wak esey. E por traha solamente cu un carta di referencia di dentista,” Marsman a sigura.

Tambe el a sigura cu Recherche kier scucha su persona tocante un carta interno di DVG cu Marsman a publica na unda por lesa con ta fix un diploma di un curso cu no ta acepta na Merca ainda pa por traha na Aruba cu boca di hendenan y trapa riba leyman existente, manera e ta bisa. Den e carta aki manera Marsman a señala, ta bisa cu Arubig lo bin den futuro y cu ley nobo, loke ta nifica cu no mag di traha como tecnico dental na Aruba sin cu tin algun regla of palabracion cu e organisacion di dentista.

Tin ley cu ta bisa cu tecnico dental mester un orden di dentista y asina cu tin un djente den boca e no mag di traha den boca di pashent, “esey ta e ley existente y esey ta e ley cu IVA mester aplica. Nan mester tuma medida contra hende cu ta bisa cu nan tin cierto opleiding, pero IVA ta drumi.” El a bisa. Den su opinion, Inspectie Volksgezondheid Aruba (IVA) tin cu implementa leyman existente y Directie Volksgezondheid Aruba (DVG) por pone e maneho na unda Marsman ta sigura cu algo a bay robes cu e persona aki: “por ta nan a bis'e bay traha den boca numa, pasobra nos ta bay cambia ley den futuro. No ta asina e cos ki ta bay na Aruba; boso tin



cu cambia e ley prome.” Marsman a afirma den su declaracion cu segun IVA, nan logra papia cu e tecnico dental aki y nan splik'e cu e no mag di haci publicidad, “pero e ta bay riba Facebook y gaña pueblo grandemente. E ta pone un historia cu ta academico y un especialista; e ta misleid pueblo.”

Ademas, Marsman ta sigura cu e persona aki ta haci trabounan dental cu no por haci, specialmente dentadura completo di flexite cu segun su experiencia, e ta caba cu tur weso, door cu weso no por cu presion, “pero mi ta compronde cu su nivel di estudio e no por sa esey.” Igualmente, Marsman ta declara cu “e persona aki ta traha aparato contra roncamiento y ta haci hopi publicidad di esey riba rednan social cob-

rando entre 1.250 pa 1.500 florin, cu un modelo bieu cu no ta flexibel ta malo pa kaakgewricht di e pashent.” Tin version nobo cu ta flexibel cu e pashent mes por ahusta na cas y esey tin un costo di 650 florin na dentista, “con e como un tecnico dental ta traha y bende un model anticua na 1.250 hasta 1.500 florin? Loke ta pone bo pensa caba si e ta eynan pa yuda pueblo cu prijs mas abou of no,” el a expresa.

Den su opinion, IVA mester atende e caso aki y mester stop e tecniconan dental pa traha den boca y cobra prijsnan dobel cu un dentista por cobra: “e trahamento di cos den boca sin autorisacion di dentista ta un peliger pa salud dental y nan ta cobra mas caro cu e dentista mes. Mi ta sigur cu masha tiki dentista lo duna

e tecnico aki un orden awor.” Conforme na loke Marsman ademas a afirma, e persona en cuestion aki no ta traha pa AZV sino riba su mes “cu tambe ta un cos di lamenta pasobra no tin control riba dje.”

Marsman tambe ta conoci pa motibo cu den pasado el a trece dilanti un otro denuncia di un dentista cu na juni di aña 2022 a wordo deteni riba sospecho di falsificacion y di a realiza actonan den cuidu medico en contra di Ley di Calidad den Cuidu Medico (Landsverordening Kwaliteit in de Gezondheidszorg). El a keda deteni ocho dia y a wordo poni den libertad despues. Ministerio Publico a cera e caso penal contra A.A.K na juli di 2022 cu un multa unda el a paga e suma maximo di 25.000 florin. Si lo a yega asi-

na leu cu a hiba A.A.K dilanti Corte, e lo a posiblemente haya un castigo den forma di trabao pa comunidad y/of un multa. Segun Ministerio Publico, pagando e suma maximo ta cuadra cu e seriedad di e hechonan y un caso penal no tabata necesario mas.

Di esaki, Marsman a señala cu hopi hende ta puntra ken a haci robes den caso aki: “Pueblo mag di haya sa e investigacion di IVA tocante e caso aki di kico a bay robes y si esaki no lo pasa mas? Hopi pashent di e persona aki a keda perhudica.” El a finalisa. Redactor di Bon Dia Aruba den proximo dlanan lo tuma contacto cu Inspectie Volksgezondheid Aruba tocante e caso aki pa asina ey nan tambe duna na banda di medaya y trece dilanti informacion di esaki.

125, Telefon pa Adul-tonan Mayor, a bira un realidad

Durante un conferencia di prensa cu a tuma lugar ayera mainta, Minister di Transporte, Integridad, Naturalesa y Asun-tonan di Adulto Mayor, Ursell Arends, a anuncia e lanzamiento di e liña di telefon 125 specialmente pa brinda servicio na e adul-tonan mayor.

‘Mi ta inclui’ ta e slogan pa loke ta trata e liña di telefon 125 pa asina e adul-tonan mayor tambe por sinti nan mes inclui y e liña di telefon aki lo contribui tambe na un sociedad mas inclusivo pa e adul-tonan mayor.

Minister Arends a indica cu e aña aki na Aruba, tin mas di 25 mil habitante cu ta riba 60 aña di edad. Esaki ta ekivalente na 24% di Aruba su poblacion y pa 2026 tur e cifranan ta indica cu e grupo aki lo crece y bira 30% di e poblacion.

“Haciendo esaki ta duna e grupo aki e servicio accesibel cu nan merece y p’esey mes constantemente evalua si nos ta logrando nos metanan pa mi ta sumamente importante,” el a remarca.

E liña di telefon 125 ta wordo



lansa den colaboracion cu Club Kibrahacha 60+ y pa algun tempo caba, e Ministerio di Asun-tonan di Adulto Mayor, hunto cu Club Kibrahacha 60+ ta trahando riba e proyecto aki. E meta di e liña di telefon 125 ta pa yuda combati tanto soledad y isolacion cu ta biba bao di e adul-tonan mayor.

Minister Arends a splica cu durante e periodo di COVID-19, Club Kibrahacha ya caba tabata dirigi e liña di telefon aki pa atende cu e adul-tonan mayor cu tabata den isolacion. Esey a stop un tempo y aworaki a reactiva e liña aki pa brinda e servicio na tur adulto mayor y alabes

yuda nan sinti mas inclui den comunidad.

Bon Dia Aruba a puntra e minister si tin un motibo pakico e servicio a stop un tempo despues di pandemia. El a splica den su contesta cu aworaki for di Kibrahacha nan a zorg pa haci esaki den un plan di maneho y Directie Ouderen Zaken mester a aloca e fondonan necesario pa por haci esaki y a bin cu e liña di telefon cu ta completamente gratis.

El a agrega cu e proyecto a cana su trayectoria pa haci esaki uno cu no t’ey solamente bao di cierto minister, pero cu por bira un proyecto cu lo

t’ey pa semper y garantiza cu e adul-tonan mayor por haya e servicio accesibel.

Minister Arends a subraya cu e liña di telefon aki ta cuadra cu dos punto di e vision cu e Ministerio di Asun-tonan di Adul-tonan Mayor tin. E prome punto ta crea y ofrece e servicio di cuida adapta pa e adul-tonan mayor, y e di dos punto ta brinda un servicio mas accesibel, servicio, na unda e adul-tonan mayor ta sinti mas inclui.

El a sigui splica cu durante e prome seis lunanan, e liña di telefon 125 ta bay ta disponible for di 8:30 di mainta pa 12:30 di merdia, cinco dia pa siman. Despues di seis luna, ta bay evalua si lo sigui cu e mesun orario di disponibilidad of si mester ahusta esaki.

“Mi ta contento di por ta para aki pa e lanzamiento di nos telefon 125, un liña di telefon gratis pa adul-tonan mayor. E ta un trayecto basta largo cu nos a core pa por yega te na e momento aki cu nos ta para akinan y entrante mañan hendenan por cuminsa yama nos,” Sra. Lenny Geervleit di Club Kibrahacha 60+ a bisa.

Sra. Geervleit a splica cu durante e ultimo dos añanan, manera minister a indica, for di e periodo di COVID-19 nan a cuminsa ripara cu e adul-tonan mayor mester a keda cas y no por a bin Kibrahacha mas.

For di parti di gobierno y Bureau Rampenbestrijding (BRA), el a sigui splica cu a lanta un liña di telefon gratis na unda e adul-tonan mayor por a yama. “Nos a ripara cu tin necesidad eyfo pa e adul-tonan mayor por tin contact cu un hende, un profesional cu ta getraind pa contesta telefon y yuda e adul-tonan,” el a agrega.

El a conta cu e adul-tonan mayor cu tabata haci uso di e servicio tabatin diferente

problema, entre otro ayudo cu dokter, ayudo cu cuminda y transport. El a enfatisa cu tur esey a habri nan wowo y e plan ‘mi ta inclui’ kier inclui e adul-tonan mayor den comunidad.

El a remarca cu hopi biaha loke ta pasa ta cu inconscientemente, e adul-tonan ta wordo exclui y esey ta loke nan kier evita. “E meta di e liña 125 ta pa habri caminda pa e hendenan haya un contact y haya e ayudo cu nan tin mester di dje.”

Geervleit ta encarga cu e training di e boluntarionan. Esaki, el a conta, ta consisti di mas o menos cinco encuentro caminda nan ta duna informacion, splica pakico e liña t’ey, kico nan mester bisa y kico nan no mester bisa, kico si nan por haci ora nan ta papiando cu un hende y kico no etc.

El a enfatisa cu via telefon ta un manera completamente diferente di scucha pasobra e persona no por wak e otro persona para y cu ta haci expresionnan cu su man, cu su pia, cu su cabes. Na liña tin stem so y e boluntario mester scucha, esey ta na prome lugar.

Si tin persona interesa pa bira boluntario, por yama Club Kibrahacha 60+ duna number, adres y number di telefon y e persona encarga lo tuma contacto back pa inscribi pa e curso di con pa bira boluntario. Pronto lo cuminsa cu otro training

Bon Dia Aruba a puntra si tin algun requisito specifico pa por bira boluntario. Sra. Geervleit a splica cu no tin niun requisito extraordinario, pero loke nan ta pidi ta cierto nivel di compromiso, un hende madura, un hende cu tin e empatia. No tin exigencia den termino di educacion, pero si hende serio cu por compromete nan mes pa un tempo.



Caribbean Speed Printers N.V.



Participacion

En conexion cu Semana Santa

Ta participa cu **NO** lo tin edicion regular di **Bon Dia y Aruba Today** riba **7, 8 y 10 di april, 2023.**

Pa e motibo aki ta hasi un suplica na tur esunnan cu ta desea di publica aviso den **Bon Dia y Aruba Today** pa diamars 11 di april pa por fabor entrega esaki no mas laat cu diahuebs 6 di april of sino email na aviso@bondia.com prome cu 5or di atardi.

Gerencia

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro

Andreina Morillo

Raisa Montilla

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirks

Colaboracion

Associated Press

Ret Karibense

Upload Media Aruba

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Deshaci di COHO... *No ta deshaci di RAFT...*

Proximamente ta celebra e firmamento di e 'Onderlinge Regeling' (Areglo Mutuo) entre gobierno di e islanan y gobierno di Hulanda, loke ta pone un fin na e propuesta Hulandes yama COHO. Esey ta implica anto cu no lo tin un ley di Reino pa regla y supervisa e reforma structural riba varios tereno, di cual tur e cuatro partnernan ta di acuerdo cu lo mester tuma lugar den e proximo añanan. Loke tin riba mesa awor ta un tiki diferente, ya cu ta haci uso di e mesun articulo 38 di Statuut, cu ta trata di e apoyo mutuo, y e diferente formanan con esey lo tuma lugar.

A primera vista, e hubilo di e gobiernonan insular ta duna di comprende cu nan ta prefera e areglo mutuo – cu su version pa cada isla – pasobra e lo ta mas flexible y menos imponente cu e ley di Reino, bao di cual COHO lo a opera. Pero, nos no ta mira motibo pa tanto hubilo pasobra e contenido di e paquetenan di reforma, acorda pa cada isla, a keda mescos. Esey ta significa cu e Landspakket pa cada isla ta keda dicta, a traves di e programacion di cambio den e schedulenan di tres luna, ta keda obliga e partnernan pa sigui traha riba e procesonan acorda, y cu resultado.

Ademas, e opinion cu un areglo mutuo asina lo ta mas beneficioso, ta algo cu sigur den e caso di Aruba, no ta un ponencia veridico sin mas. Y esaki pa e simple motibo cu flexibilidad ta conta pa ambos banda. Mientras den un ley derecho y obligacion ta explicitamente defini, den caso di un areglo, y cu un eventual desacuerdo, di biaha Hulanda lo por usa e instrumentonan di coercion cu nan tin disponible, y ta aki unda e tereno menos defini por bira un campo di batalla unda esun cu mester cobra finalmente tin mas poder cu e debedor... Esey ta e spada di Damocles di 915 miyon florin cu ta colga keto bay riba cabez di gobierno di Aruba.

Pero tin algo mas cu ta haci e posicion di Aruba den e asunto aki diferente, compara cu e otro islanan. Esey ta cu e otronan no ta discutiendo cu Hulanda introduccion di un ley di supervision financiero, pasobra e t'ey caba, desde 2010. Den caso di Aruba, gobierno local ta tratando di evita cu ta bin un ley di Reino di supervision financiero, y ta muestra riba e 'onderlinge regeling' como un alternativa. Honestamente, ta dificil pa mira Hulanda bay di acuerdo. Pa cumenza, for di punto di vista strategico Hulanda semper ta trata di tene e legislacion di e islanan mas uniforme posible. Esey tin su motibo practico; ley uniforme ta duna mas hurisdiccion uniforme, loke ta un bentaha grandi pa maneho di sistema

judicial den henter Reino. Den e situacion actual no tin un base solido pa desvia di esaki y otorga Aruba un posicion privilegia di no tin un ley di Reino di supervision financiero. Lo alega cu Aruba tin un posicion diferente compara cu e otro islanan pasobra Aruba no tabata inclui den e saneamento financiero di 2010. Esey ta berdad pero tabatin su motibo: Aruba no tabata parti di Antiyas mas, y situacion financiero no tabata di tal indole cu intervencion di Reino tabata necesario. Cuatro aña despues ya caba tabatin un situacion cu a hustifica tal intervencion, cu no tabata un asunto di imposicion (articulo 43 inciso 2 Statuut). Es decir, Aruba a haya un intervencion financiero cu desde inicio no tabatin nada di haci cu consenso... E ley local actualmente na vigor te fin di 2023 den su contenido pa mayor parti ta un copia di ley di Reino cu ta valido pa e otro islanan. No ta parece nada logico pa bay aboli e supervision pa Aruba mientras pa e otro islanan e ta keda existi.

Awor, nos por puntra nos mes kico ta e puntonan na favor di gobierno di Aruba den e discusion pa evita un ley di Reino. Por ehemplo, a entrega, pa promer biaha den varios aña, un presupuesto aproba na tempo, na CAft, segun ley di supervision local (LAft). Di otro banda, e ultimo rapport financiero di 2022, cu mester tabata na CAft y na Staten na mitar di februari, ainda no t'ey. Tampoco Algemene Rekenkamer ta dispone di e cuentanan anual di 2019 y 2020, tampoco 2021 y 2022, cu gobierno mester entrega ainda. Esaki ta indica cu tin bastante trabao pa haci ainda, pa por conclui cu Aruba ta maneha su finanzas den tur aspecto cu e diligencia y profesionalismo necesario. Banda di e deficiencianan aki, gobierno lo argumenta cu a logra dal paso importante den frena deficit presupuestario, loke fuera di e gastonan di e pandemia, a resulta den cierto contencion di crecimiento di debe publico, pero cu no a saca nos ainda for di e zona di peligro. Asina anto no tin mucho mas na favor cu esey, y ta keda e mero deseo di no tin supervision, y si no por otro, un supervision supuestamente mas suave y flexible, den un areglo mutuo, loke e otro islanan no tin, manera meciona caba.

Finalmente, nos mester inclui den e analisis aki, con Hulanda ta mira e asunto aki, cu e pensamiento strategico di semper di "mantene e asuntonan den Caribe manehable". Mientras di banda di e islanan ta muestra riba nan caracter unico, Den Haag ta enfatisa uniformidad pa goberna na nivel di Reino seis entidad di nivel 'micro'.

Prome Minister Evelyn Wever-Croes:

“Mi ta hopi satisfecho cu Venezuela a cumpli aunke na ultimo minuutnan di e fecha stipula”

A delibera reapertura di frontera cu Venezuela durante prome reunion di Prome Minister na Hulanda

Prome Minister Evelyn Wever-Croes, Minister di Finanzas, Xiomara Maduro y conseheronan dialuna a yega Hulanda pa un siman di trabao hopi importante pa loke ta trata relacion di Reino.

Prome Minister a indica cu Diamars ta un dia importante pa loke ta trata e onderlinge regeling y COHO. Y den e diano siguiente lo tuma luga diferente reunion na unda lo trata temanan entre otro di Raft.

Hunto cu Minister Plenipotenciario na Hulanda, señor Ady Thijsen, a cuminsa atende reunionnan caba na

Hulanda. Prome Minister hunto cu señor Thijsen y Director di DBB, señora Jocelyne Croes, a reuni na Ministerio di Asuntonan Exterior cu Yvette Eechoud, Directeur Directie Westelijk Halfrond (DWH), MinBuza; Dirk-Jan Vermij, Afdelingshoofd, Caribbean en Koninkrijkszaken; Masooma Yousufzai, Beleidsmedewerker Koninkrijkszaken.

Den e reunion aki a delibera extensamente riba e tema di Venezuela. Manera ya conoci, Aruba a duna Venezuela un indicacion cu Aruba ta dispuesto pa habri frontera maritimo cu Venezuela en traste 1 di mei si pa mas tarda



30 di maart, diahuebs ultimo, Aruba ricibi e documentacionnan necesario pa reevalua apertura di e frontera. E documentonan aki a wordo ricibi anochi laat di diahuebs y esakinan ta wordo revisa pa e profesionalnan y den transcurso di siman nan lo indica si e documentonan ta cumpli cu tur rekisito cu Aruba tin mester pa asina habri e frontera maritimo.

“Mi ta hopi satisfecho cu Venezuela a cumpli aunke na ultimo minuutnan di e fecha

stipula. Aruba y Venezuela ta trahando riba un bon relacion di trabao pa yega na e reapertura di frontera maritimo pa 1 di mei of mas prome si por cu lo duna nos e posibilidad pa importa fruta, berdura, otro comestibel y material pa construccion na prijsnan mas barata for di Venezuela”, Prome Minister a duna di conoce.

A delibera tambe riba otro relacionnan exterior y di Aruba cu paisnan den region.



Di parti di esunnan di Hulanda, tabatin hopi elogio pa e forma con Aruba ta desaroya su mes y tambe pa e manera digno cu Aruba ta representa Reino den exterior. “Nan a gradici mi masha hopi mes pa e manera cu mi a representa Reino na Nacionnan Uni como tambe con ami y demas ministernan di Gabinete Wever-Croes, ta representa Reino den exterior pa estrecha lasonan”, Prome Minister Evelyn Wever-Croes a remarca.



To complete our Dynamic Team at the FRONT-DESK Department, we are looking for an equally dynamic and highly motivated:

1 F-O AGENT/N-A RELIEVER

Requirements:

- Dutch Nationality or valid work permit
- HAVO or EPI (Horeca)
- Excellent communication skills, both verbal and in writing of: Papiamentu, English, Dutch and Spanish
- Previous experience in a similar position is a plus
- Ample computer knowledge
- Outgoing personality
- Service oriented and good team player
- Able and willing to work different shifts/holidays
- Age: between 21 and 50 years
- Own transportation

We offer:

A competitive salary with secondary benefits and a pleasant work environment.

Please submit your application together with your résumé to email address ekock@arubabeachclub.net.

We are located at J.E. Irausquin Boulevard 53.

For more information, call us at 524-3016.

ATIA:

Reunion general di miembresia di ATIA na su edificio renoba

Diaranson 29 di maart 2023, Aruba Trade and Industry Association (ATIA) a tene su reunion general di miembresia den e “New ATIA Building” unda a debuta oficialmente e sala di conferencia y façade nobo nobo.

Prome cu e parti oficial, Sr. Herrick Henriquez, Director di ATIA, a duna un presentacion interesante riba e tema di “Strategia di ATIA” pa 2023 y futuro. Sr. Henriquez a presenta en breve e 4 pilarnan pa ATIA sigui den un rumbo exitoso.

Durante e reunion a presenta e resultadonan di e añan anterior y e enfoka pa 2023 y alabes a eligi e miembronan di e hunta di directiva pa aña 2023 – 2024.

Durante 2022, ATIA su enfoka tawata riba recuperacion di Aruba su economia y a participa den varios stakeholders meetings pa cu “landspakket” ribe e temanan di reforma fiscal, ley laboral, y clima di inversion den nos economia (“red tape”).



Tambe ATIA a sigi enfoka durante e aña riba desaroyo di e habilidadnan y expertisio di su miembronan y nan empleadonan por medio di diferente workshops, sesionan di informacion y eventonan pa engrandese e network di miembronan di ATIA. Workshops nan exitoso tawata “Start-up week”, “Continued Financial Excellence Program”, “Lunch and Learn – digital payments” y “People Management Seminar – Mental Health in the workplace”. No por a lubida e Business Mixers cu tawata hopi bishita, pero tambe e eventonan di “Year of Purpose” cu tawata: LIDERA “Purpose as Power”, “Youth Athlete Event” y tambe ATIA su Corporate Event anual.

Pa aña 2023 – 2024, e hunta di directiva a despidi di 2 miembro cu a forma parti di e hunta pa hopi aña, esta sr.

Ronald v. Trigt y Sr. Tristan Every. ATIA ta gradisi Ronnie y Tristan pa tur nan añanan di aporte valioso como miembro di hunta di ATIA. E presidente, vice-presidente, tesoro y secretaria nobonan, lo wordo eligi durante e prome reunion di e hunta durante e luna di april y ATIA lo anuncia esei ora nan a wordo elegi.

E hunta di directiva di ATIA pa 2023 – 2024 ta consisti di: Sr. Frank Snijders, Sra. Gina Habibe, Sr. Tito de Cuba, Sra. Tisa LaSorte, Sr. Roland Croes, Sr. Mattijs Bijen, y Sr. Andrew Harms. ATIA ta contento pa anuncia su 2 miembro nobo nan cu ta Sra. Jennifer Figaroa-Guzman y Sr. Danilo Werleman.

E reunion a culmina cu un networking event pa e miembronan presente unda ATIA a debuta su “Bao Palo Terrace”.

AWE **MINI MEGA** **MEGA PLUS**

Awo cu 2 florin mas, bo por gana e **MEGA PLUS**

*** Afl. 360.000,-**

*** Afl. 260.000,- + Afl. 100.000,- extra**

Benta ta sera 7:30 pm y sorteo ta hunga 7:45 pm

HUNGA AWO

loTo

f

Twitter

Instagram

YouTube

Plamamento di dos virus di Marburg na Africa ta alarma expertonan di salud global

(NewYorkTimes)—Dos plamamento actual di virus Marburg—famia di Ebola—ta causando cu expertonan ta puntrando preguntanan importante tocante e comportacion di e misterioso patogeno y e esfuersonan global pa prepara pa un posibel pandemia.


Marburg, cual ta un keintura hemorragico, no ta comun; solamente un par caso a wordo reporta desde e virus a wordo identifica na 1967. Pero un aumento visibel na Africa den añanan recien ta causando preocupacion.

Marburg ta causa keintura halto, sacamento, diaree y, den casonan severo, sangramento for di aperturanan. Esaki ta plama entre hende via contacto directo cu sanger of otro tipo di likido di curpa di un persona infecta y materialnan manera paña cu ta contamina cu e likidonan aki.

Ta parce cu un di e dos plamamento, den Tanzania, Africa, ta bou control, cu solamente dos persona den cuarentena ainda. Pero loke ta trata e otro na Guinea Ecuatorial, e plamamento di e virus ta andando, y e Organizacion Global di Salud (WHO) a bisa siman pasa cu e pais no tabata transparente den reportahe di caso.

Actualmente no tin tratamiento di vacuna pa Marburg, pero tin si algun candidato cu a muestra progreso den e prome fase di e prueba clinico. Pero mester test e vacunanan aki durante plamamento activo pa por prueba cu nan ta trahando. Te awo, ningun vacuna ta wordo suministra pa test den e plamamento andante.

“E momento cu un plamamento wordo detecta, mester tin un mecanismo pa move lihe,” segun Dr. Amuasi, director di e departamento di salud global na Universidad Kwame Nkrumah di Ciencia



y Tecnologia na Ghana, ken a investiga un plamamento di Marburg den e pais aña pasa.

WHO y otro organisacion ta bon den responde lihe pa controla e plamamento di un virus, Amuasi a declara, pero nan ta falta di responde mesun lihe pa investigacion. Esaki ta rekeri stapel di posibel vacuna cla pa transporta y investigadonan cualifica pa opera sin pone un presion adicional riba un sistema di salud cu ta experienciando dificultad caba. Ningun di esaki ta existi awo.

WHO ta bisa cu e organisacion a crea un protocol di investigacion cu por wordo aplica den e plamamento aki y pa otro filovirus—e famia cu ta inclui virus Marburg y Ebola, y e tin basta luna caba ta purbando di cuminsa cu pruebanan.

Si respuesta di plamamento traha bon—isolando casonan y persiguiendo contactonan, e epidemia lo wordo controla mas lihe, cual ta parce di ta e caso caba na Tanzania. Si e respuesta no bay mesun bon (manera na Guinea Ecuato-

rial), tin preocupacion di un plamamento den scala grandi y un necesidad mas grandi pa vacunacion.

E plamamento na Guinea Ecuatorial y Tanzania ta e prome casonan reporta den ambos pais. Na Guinea Ecuatorial, esaki a cuminsa na januari. E gobierno a reporta e fayecimento di nueve persona confirma cu e virus Marburg, y e fayecimento di 20 persona mas cu tin conexon cu e casonan confirma pero ken no a haci test. E gobierno a constata cu nan probablemente a contrata e virus tambe.

Fuera di esey, e gobierno di Guinea Ecuatorial a publica informacion limita tocante e plamamento, y WHO a bisa cu probablemente tin cadenan di transmision cu no a wordo detecta y cu no tur caso conoci tabatin un conexon claro cu otro, cual ta sugeri un plamamento mas grandi cu loke e organisacion e pensa prome.

E plamamento na Tanzania a wordo reporta na maart. Cinco hende confirma cu un infeccion di Marburg a

fayece eyan, incluyendo un empleado di cuida medico. Ningun caso nobo a wordo reporta pa dos siman, pero e periodo di incubacion di e virus ta 21 dia, pues e plamamento ainda por ta activo.

Dr. Nancu Sullivan, ken ta director di e National Emerging Infectious Diseases Laboratories na Universidad di Boston, a bisa cu e ta kere cu cambio di clima, y e manera cu esaki ta cambiando comportacion di humano y animal, ta causando un aumento den casonan.

Dr. Sullivan a diseña e posibel vacuna Marburg mas leu den e desaroyo ora el a traha cu e National Institute of Allergy and Infectious Diseases. Esaki a muestra un respondi di seguridad y inmunidad den e prome fase di e prueba clinico, y e Sabin Vaccine Institute, cual ta un organisacion no gubernamental basa na Washington cu ta promove desaroyo global di vacuna, ta continuando cu e proceso di test.

Pero WHO ainda mester anuncia detayenan operacional pa un prueba di e posibel

vacuna aki of tres otro mas. Transportacion di e dosis pa e pais ta un reto solamente; un prueba ta rekeri un investigado principal for di e pais unda e plamamento ta sosodiendo, acuerdonan legal cu e fabricante di vacuna y aprobacion regulatorio. Guinea Ecuatorial tin un gobierno famoso pa nan custumber di keda opaco, cual ta bou control di President Teodoro Obiang Nguema Mbasogo y su famia pa mas cu 30 aña.

Sin recursonan vast y protocolnan di prueba aproba, plamamento di filovirus por keda andante cu tiki progreso riba intervencion cu por para esaki, segun Dr. Amuasi.



Docentenan na Corsou lo ricibi les tocante digitisacion

(CuraçaoChronicle) - Tur docente na Corsou lo ricibi actualisacion structural den e area di habilidadnan digital e luna aki. Esaki ta loke e compania Hulandes Edutrainers, cual lo ehecuta e proyecto aki pa e siguiente 3 aña den colaboracion cu e Ministerio di Educacion lo ehecuta.

Un grupo di proyecto a ser crea pa cuminsa forma digitisacion na Corsou. E grupo di proyecto ta consisti di un colaboracion di expertonan di tur hunta escolar riba e isla. E grupo aki a defini deseonan y condicionnan pa un educacion cu ta safe y bon pa futuro. E profesionalisacion di docentenan den e habilidad-



nan digital y didactica digital ta mira como esencial.

Edutrainers
Despues di explora e mercado cautelosamente y un proceso di seleccion di proveedor-

nan di profesionalisacion, e Ministerio a opta pa coopera cu e compania Hulandes Edutrainers. E compania aki ta un trainer cu ta specialisa den literacia digital y habilidadnan didactico digital.

Corsou ta scoge di profesionalisa y facilita docentenan y profesionalnan den educacion cu e habilidadnan digital prome. Esaki ta cu un bista di un introduccion cercano digital den e Curriculum.

Edutrainers ta guia docentenan y profesionalnan den educacion na Corsou paso pa paso den aumenta y mehora nan habilidadnan digital. Despues di un medida base, e participantenan ta haya un bista di nan propio nivel. Basa riba un plan di training personal, e participantenan ta sigui workshop y 'E-learning'.

Edutrainers su bukinan ta crea pa docentenan cu ta experto den digitisacion den educacion. Segun Edutrainers, e strategia aki ta segura cu docentenan y profesionalnan den educacion por aplica loke nan a siña inmediatamente den nan trabao diario y practica.

Muchanan Hulandes scondi pa mayornan na Spaña pa añanan largo

(NLTimes) - Un muhe cu tata Hulandes ta bisa cu e y su ruman homber tabata cera den nan cas na Spaña cu nan mayornan pa añanan largo, segun e corant Spaño El Punt Avui a reporta.

E awo muhe di 24 aña a scapa di e cas na Arubices den Spaña dia 24 di februari. El a toca porta di su bisiñanan y a conta nan cu su persona y ruman homber di 18 aña a biba separa for di mundo, nunca a atende scol, no tabatin televi-



sion y cu e bisiñanan en cuestion ta e prome personanan cu no ta familiar cu ken nan

a yega di papia.

E bisiña a notifica autoridad-

nan, ken a revisa e muhe su cas. Na e sitio, e tata Hulandes di 58 aña a bisa cu su yiu tin problema psiquiatrico y ta ricibiendo tratamento di su tio ken ta un terapeuta. E famia tabata biba cu e mama su dos ruman homber na Matadepera cerca di Barcelona te fin di zomer aña pasa. E tata a bisa cu nan a muda na un sitio mas aparta na Arubices pa motibo cu e mama ta sensitivo na radiacion y no por biba rond di antena.

polis, e mayornan aparentemente a nenga di haci un declaracion y den e caso na corte, nan a bisa via un abogado cu atende scol na cas ta permiti na Hulanda. E hues a declara cu pa motibo cu e muchanan awo ta adulto y no kier pone cargo corta nan mayornan, nan no por ser saca for di e cas. Sinembargo, corte a duna ordo na e mayornan pa duna e muchanan mas libertad segun loke e corant a reporta tocante e caso aki.

Durante investigacion di

No tin entusiasmo pa bula bay Caracas

(CuraçaoChronicle) - E entusiasmo pa biaha bay Caracas awo cu e frontera ta habri back ta permanece abao. Ningun aerolinea di Corsou a reporta na e autoridadnan di aviacion civil di e Isla.

Via palabracionnan si. E aerolinea Venezolano Laser y albatros kier cuminsa vuelonan e siman aki cu servicionan regular den plan pa cuminsa

dia 1 di juli.

E motibo dicon aerolineanan di Corsou no ta bulando actualmente ta e falta di confiansa enorme den proceduranan solido di inmigracion. Aparentemente a reporta cu Venezolanonan mester tin suficiente placa y recurso pa permiti nan entrada. E aerolinea ta responsabel pa revisa esaki y mester hiba pasaheronan back (den caso di nenga



entrada) cubriendo tur costo.

Ademas, e companianan di aerolinea ta sospechoso di e autoridad Cadivi y si esaki ta paga pa e ticketnan bendi na Venezuela den dollar.

E botonan di fruta lo bini Corsou, aunke esaki por tuma un tempo. E botonan Venezolano na Vela di Coro ta pensando riba navegacion na e isla despues di pasco. Nan lo carga fruta, berdura y pisca.



Ministro encarga cu Turismo & Salubridad ta anuncia cu entrante **05 april 2023** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un **koffiehuys- y un restaurantvergunning B** pa e parcela **Caya Captain R. Rodger 35**. E permisionan aki ta concerni e.o. benta di bebida sterki por detal y cuminda pa wordo consumi den e parcela. Den e periodo aki tur hende por expresa por escrito nan desacuerdo contra dunamento di e permisionan menciona, dirigi na e Ministro encarga cu Turismo & Salubridad via intermediacion di Director di Departamento di Legislacion y Asunto Huridico, Schotlandstraat 53.



Ministro di Husticia y Asunto Social ta anuncia cu entrante **05 maart 2023** segun Ley di Molester, durante 30 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53** di un peticion di permiso cu a ser haci pa un **instalacion di gas di 100 galon na Alto Vista 39-E**. Den e periodo aki tur hende por expresa por escrito nan desacuerdo cu dunamento di e permiso menciona. Esaki mester ta dirigi na Ministro di Husticia y Asunto Social mediante director di Departamento di Legislacion y Asunto Huridico, Schotlandstraat 53.

De Hypotheker: Mas señal cu e mercado di acomodacion Hulandes ta recuperando

(NLTimes)—E mercado di acomodacion Hulandes ta mustrand mas señal di recuperacion, segun De Hypotheker. E cantidad di aplicacion di hipoteca pa compra cas a aumenta cu 10% den e prome kwartaal di 2023 compara cu e kwartaal prome cu esey, Het Financieele Dagblad



ta reporta.

Ora bo mira e figuranan di e prome kwartaal di 2022, ta obvio cu e mercado di aco-

modacion no a recupera ainda, pero un año pasa, aplicacion pa hipoteca tabata 52% mas halto. E aumento skerpi ta pa via di un caída grandi—92%—den e cantidad di aplicacion di hipoteca pa refinanciamiento.

Pa refinancia un hipoteca—convirtiend un prestamo di hipoteca den un otro

prestamo cu condicionnan nobo—tabata mas atractivo ora prijs di interes tabata abao y cayendo. E aumento skerpi actual di prijs di interes, cual a wordo implementa pa combati inflacion halto causa pa e guerra entre Rusia y Ucrania, ta haci e opcion mas desagradabel pa consumidornan. E cantidad di aplicacion di

hipoteca pa compra cas a cay cu 22% den e prome kwartaal compara cu un año pasa. Pero aplicacion pa hipoteca entre cumpradonan jong a aument cu 7%—remarcabel, segun De Hypotheker. Prijs di cas a cay un tiki den e ultimo lunanan, pero no suficiente pa causa un aumento di prijs di interes.

Minister di Finanzas Hulandes na Kyiv ta bay discuti aporte a largo plaso



(NLTimes)—Cabinet Hulandes mester discuti e posibilidad pa provee aporte financiero adicional pa Ucrania e año aki, segun Minister di Finanzas, Sigrid Kaag. “Esaki ta un asunto serio,” e minister a conta ANP for Kyiv. E minister a bishita e capital di Ucrania Diadomingo y a reuni entre otro cu su ekivalente Ucrainiano y e minister di Asunto Económico.

Hulanda a anuncia caba cu

nan lo distribui 2.5 euro den aporte pa e año aki, cu un énfasis riba apoyo militar. Kaag a tende den e capital Ucrainiano “cu e placa ta wordo gasta hopi lihe. Esaki tambe ta necesario. Nos ta bay papia cu otro tocante un donacion extra di placa,” segun e minister. El a subraya si cu Cabinet ainda ta discutiendo e memorandum di lente ora nan tuma un decision riba e presupuesto.

E Fondo di Placa Internacio-

nal (IMF) a aproba un pakete di finanzas pa cuatro año pa Ucrania diabierna. Un adición di 180 miyon euro tambe a wordo distribui.

Segun Kaag, e gobierno Ucrainiano ta spera pa previsibilidad pa locual ta encera apoyo financiero pa asina Ucrania tin un miho idea di kico nan por conta cune. Pero tambe tin un peticion pa “un bista di e futuro: pa determina hunto con pa contribui na e recuperacion di Ucrania.” E minister Hulandes ta kere cu den plaso largo, placa Hulandes no ta bay solamente na reconstruccion y aporte militar, pero tambe na e inversionnan den e economía.

Despues di e guerra, cual a cuminsa cu e invasion di Rusia na februari 2022, Ucrania kier inverti den un economía mas moderno. Tin discusion tocante financiamiento di riesgo den sector priva pa asina compania por innova. Pero e guerra a forsa Ucrania pa colecta un cantidad grandi

di conocimiento militar. E minister ta pensa cu un sector “militar-industrial” por ta bentahoso pa e pais despues di reconstruccion.

Kaag a bishita un centro di recepcion pa fugitivonan na Ucrania, entre otro. Tin proyectonan pa cual hopi

placa ta wordo gasta. Pa awo ta keda esencial pa “haci tur cos posibel pa sigui cu Ucrania gana e guerra lo mas pronto posibel,” segun e minister. Hulanda ta bay continua cu apoyo pa Ucrania dentro di NATO y e Union Europeo. “Y for di Finanzas tambe dentro di IMF.”



E **PROMER** Timeshare Resort di Aruba ta busca pa drenta den servicio fiho y inmediato:

1 HOUSEMAN (M)

Rekisitonan:

- Nacionalidad Hulandes of cu permiso valido pa traha
- Mester por traha riba diadomingo y dianan di fiesta
- Bon dominio di idioma Papiamentu
- Dominio di idioma Ingles ta un plus
- Mester ta serio, respetuoso, responsabel y traha bon den ekipo
- Mester ta capas pa hisa extra peso sin problema
- Edad: 18 – 50 año

Pa aplica, pasa personalmente na nos oficina di Recursionan Humano situa na:

J. E. Irausquin Blvd. 53,
entre 9:00am-3:00pm
di Dialuna pa Diabierna.

Renobacion di Binnenhof retrasa cu dos año; no ta bay ta cla prome cu fin di 2028

(NLTimes)—E renobacion di Binnenhof na Den Haag ta bay al menos dos año mas largo cu a plania prome. Pa via di entre otro, e problemanan di nitrogeno y e requisito di seguridad mas streng, Tweede Kamer, Senado, Ministerio di Asunto General y Consejo di Estado no por muda back for di nan acomodacionnan temporario pa nan mesun edificio te na final di 2028 lo mas pronto.

Minister Hugo de Jonge (Acomodacion Publico y Planificacion Espacial) a anun-



cia e retraso den un carta pa Tweede Kamer. Te awo, e retraso no a causa un aumento di costo grandi. Actualmente e ta calcula cu e costo total di e renobacion ta 750 miyon euro. Esey ta casi 16 miyon

euro mas cu e presupuesto di año pasa. E gobierno ta modifica e presupuesto tur año pa tuma na cuenta cu, entre otro, e aumento di costo di material pa construccion.

Colombia ta cuminsa evacua pa riesgo di erupcion di volcan

(AP) – Colombia ta bay cuminsa un evacuacion preventivo di e comunidatnan cu ta biba den e parti halto y rond di e volcan Nevado del Ruiz despues di aumento di su actividad sismico, un indicador cu lo por produci un erupcion den proximo dianan.

Maximo autoridad estatal di departamento di Caldas, gobernador Luis Carlos Velasquez Cardona, ayera dialuna a bisa cu “nos ta bay procede for di e momentonan aki, cu liderazgo di alcaldia municipal, pa evacua 40 famia. Esaki ta un evacuacion



preventivo.” Dia 30 di maart autoridadnan a eleva e nivel di alerta geel pa oraño. Di su parti, Servicio Geologico Colombiano a in-

forma cu diadomingo ultimo 2 di april a registra 5.400 temblor. Alerta geel ta un categoria cu ta contempla cambianan den

comportacion di e volcan cu emision di shinishi, temblornan, zonido y holo di gas volcanico. Oraño ta indica cu probablemente lo tin un erupcion den proximo dianan mientras cu cora ta ora erupcion ta cerca of ta den curso.

Tambe a adopta otro medidanan como prohibicion di acceso di personanan na Parke Natural Nevado del Ruiz y a ordena scolnan pa adelanta accionnan pa cu muchanan por haya les virtual for di dialuna 10 di april despues cu Semana Santa ta caba.

E mandatario Gustavo Petro

riba su cuenta di Twitter a pidi “disciplina” den evacuacion. Ayera dialuna e presidente a adelanta un consejo di seguridad pa asina analisa otro medidanan cu lo permiti disminui riesgo.

E volcan ta ubica na 5.321 meter riba nivel di lama na cordiyera central di e pais y ta na e limite entre e departamentonan di Tolima y Caldas.

E actividad di e volcan ta wordo monitoria di forma permanente y prioritario for di 1985, aña den cual un erupcion a causa e morto di casi 25.000 persona na departamento di Tolima.

Ecuador ta autorisa portacion di arma di candela di uso civil pa defensa personal

(La Nacion) – Gobierno di Ecuador a autorisa pa personanan civil por tin arma di candela, asina a anuncia e presidente Ecuatoriano, Guillermo Lasso, den un mensahe dirigi pa e nacion, ken a argumenta e decision pa aumento di delincuencia y inseguridad na e pais Andino.

Lasso, un ex-bankero conservador di 67 aña, ta enfrente aumento di delincuencia y violencia riba caya y prison. Gobierno Ecuatoriano ta atribui esaki na gruponan di narcotraficante. Centenares di detenido a muri den ultimo



lunanan debi na enfrentamento den prison. “Nos tin un enemigo comun:

delincuencia, narcotrafico y crimen organisa,” e mandatario a bisa diasabra den oran-

an di anochi den un mensahe na e pais.

“Nos ta bay combati nan cu medidanan urgente, nos a modifica e decreto cu ta permiti pa tin un spray di gas peper pa defensa personal,” segun Lasso a agrega.

E mandatario tambe a declara estado di excepcion na Guayaquil, un ciudad cu waf na Pacifico y e localidadnan bisiaña du Duran y Samborondon, asina como na provincia Santa Elena y Los Rios. E medida a drenta na vigor diadomingo ultimo y ta inclui toque de queda for di 1am te cu 5am.

Ubica entre Colombia y Peru -e principal productonan di cocaína- Ecuador a confisca na 2021 e record anual di 210 ton di droga, e mayor parti tabata cocaína cu tabatin como destino wafnan Europeo.

Confiscacion na 2022 a supera 200 ton memey di enfrentamentonan entre gruponan narcotraficante cu ta lucha cu sanger y fuego riba cayanen y prison e rutanen pa trafico di droga.

Peru ta crea ekipo di fiscal special pa investiga morto den protesta

(EFE) – Ministerio Publico a crea un ekipo di fiscal special cu ta bay encarga exclusivamente di investiga e delito y violacion na derechonan humano cometi den e represion di protestanan anti-gubernamental cu a tuma luga for di december te maart ultimo, den cual decenas di persona a muri.

Mediante un resolucion publica ayera dialuna na diario oficial El Peruano, Fiscalia a conforma e grupo di trabao aki pa investiga “casonan cu victima durante e protestan social, pa nan dedica exclusivamente na delitonan cometi contra humanidad y delitonan comun cu a constitui casonan di violacion di derechonan humano y otro.” E documento, firma pa fiscal



general di Nacion, Patricia Benavides, ta recorda cu desde cu protestanan a cuminsa despues di e auto-golpi di Estado fracasa di ex-presidente Pedro Castillo, “a deriva investigacionnan fiscal pa presunto comision di delitonan

producto di uso excesivo di forza publico cu ta afecta derecho humano na protesta social pacifico.”

Tambe pa actonan di violencia cu “no ta den area constitucional protegi di derecho

na protesta” y cu “a afecta integridad fisico di funcionarionan y sirbido publico, asina como tambe infraestructura di varios entidad publico y propiedad priva.”

“Debi na esey, ta rekeri di

un strategia di investigacion ordena y eficaz, siguiendo e mandato constitucional di persecucion di delito,” e resolucion ta bisa.

Den cuater luna, protestanan anti-gubernamental na Peru a laga un cifra di 77 persona fayecido y mas di 1.000 herido, loke a hiba diferente organisacion nacional y internacional defensor di derechonan humano pa denuncia un uso legitimo di forza di parti di cuerpo di seguridad.

Segun Defensor di Pueblo, 49 manifestante a muri durante enfrentamento directo cu forza di orden, mientras cu un polis a perde su bida na momento cu a kim’e bibo, ademas di otro 11 persona debi na blokeon di caminda door di manifestantenan.

Haiti: Brigadanan di autodefensa pa e dominio creciente di bandanan arma

(DiarioLibre/EFE) – Cu arma ilegal, machete, bom molotov y incluso cu boter y pida di palo, hobennan Haitiano ta sali den brigadanan, regularmente anochi, pa purba defende e entrada di nan bario di e atakenan di e bandanan cu ta controla gran parti di e pais.

Generalmente nan ta bisti color preto y nan ta campa den skinanan strategico. Nan ta hobennan di entre 15 y 40 aña, den su mayoria hende homber, cu kier defende nan mes y nan bario na unda nan a crece, un practica di autodefensa cu ya caba a wordo denuncia den pasado pa abuso contra civilnan.

For di e empeoramento di e crisis di seguridad na Haiti, e brigadanan di vigilancia a bin back na varios bario di Port-au-Prince y na algun di e provincianan pa enfrenta e atakenan arma cu a multiplica ultimamente cu e resultado di morto- y heridonan.

Proteccion cu container



grandi of taki di mata grandi, corta completamente trayecto di caya, lanta muraya... esaki ta algun di e strategianan defensivo cu a wordo desaroya den e barionan cu ta menasa constantemente pa e bandanan cu ta terrorisa e pais, contra cual autoridadnan ta muestra

impotente dilanti e situacion. Na algun zona, personanan desconoci no ta bon bini. Na otro, ta exige nan algun tipo di documento di identificacion.

“For di un aña y mey nos no ta huur cas na hendenan cu ta bin di otro lugar,” un

residente di un zona chikito di e Valle di Bourdon, cu ta prefera di no duna nomber, a indica na EFE.

Segun e, esaki ta pa evita cu e zona wordo contamina. “Aki nos ta un famia. Nos no kier hende straño,” el a agrega.

E brigadanan tabata un practica cu tabata existi den e barionan popular y precario entre 1990 y 2010. Den e ultimo tres pa cinco añanan, cu e generalisacion di e clima di inseguridad na full e pais, barionan nobo situa den zonanan di nivel halto a adopta e strategia aki di autodefensa.

Segun e observadornan, e practica aki ta viola e principio di circulacion liber di bida y bienes.

“Nos ta kere e por hiba na cualkier cos. Historia a demostra caba cu na un momento nos tabatin mester di hopi brigada di autodefensa. Y e brigadanan di vigilancia aki, poco poco, ta converti den bandanan arma,” e abogado Marie Rosy Auguste Ducena, di e Red Nacional di Derechonan Humano di Haiti (Rnndh) a bisa EFE.

Haiti ta conta cu mas o menos 200 grupo arma. Hopi di nan a cuminsa como gruponan di vigilancia.

Venezuela: Gobierno di Maduro ta acusa e fiscal di CPI di usa husticia cu finnan politico

(ElNacional) – Venezuela a acusa dialuna e fiscal di Corte Penal Internacional (CPI), Karim Khan, di usa husticia cu metanan politico, despues di e publicacion di un documento den cual e Fiscalia ta rechasa e argumentonan presenta pa gobierno di Nicolas Maduro pa loke ta e investigacion di presunto crimen di lesa humanidad cometi na e pais.

“Un biaha mas e fiscal di e Corte Penal Internacional ta demostra un vision claramente afecta negativamente pa loke ta trata Venezuela, reproduciendo sin atencion e campananan cu ta pretende di usa e tema di husticia y e derechonan humano cu fin politico,” e gobierno di Venezuela a bisa den un comunicado oficial publica pa e Ministerio.

E ehecutivo a recorda cu dia 28 di februari ultimo, el a presenta dilanti CPI un documento solido cu tabata



desmenti tur e acusacionnan falso di e agresion mediatico y geopolitico poni den marcha pa acusa Venezuela di supuesto crimennan di lesa humanidad cu segun el a remarca, nunca a sucede.

Ademas, el a sigura, cu e afirmacionnan di e CPI no ta rechasa e proposicionnan indiscutibel di Venezuela, si no cu contrario, nan ta confirma cu e alto tribunal falta competencia pa conoce tocante e hechonan presenta pa e fiscal

Khan. “Venezuela ta ratifica cu e lo sigui eherce tur e accionnan disponibel pa haci prevalece e berdad y defende su derechonan como nacion, dilanti di e expresion aki di ‘lawfare’ (guera di leyman) cu abierta-

mente ta usa e institucionalidad di e Corte Penal Internacional cu fin politico,” e comunicado ta señala.

Dia 30 di maart ultimo, e fiscalia di CPI a emiti un documento publico den cual e ta contesta e observacionnan presenta pa Venezuela pa e reanudacion di e investigacion pa presunto crimennan di lesa humanidad y a sigura cu e pais no a presenta pruebanan of informacion concreto.

Den luna di november aña pasa, Khan a solicita na e Sala di Cuestionnan Preliminar autorisacion pa continua cu e investigacion, despues cu el a keda suspendi bao solicitud di Venezuela.

Actualmente e proceso hudicial ta den desaroyo y e corte ta analisando e testimonionan cu el a ricibi tanto di e Estado Venezolano, como di e posible victimanan, segun ta aparece ariba e website di e organismo internacional.

Disney ta desaroyando un 'live-action' di Moana cu Dwayne Johnson

(AP) - 'Moana' lo bira e animacion mas recien di Walt Disney Co. cu lo ricibi un pelicula cu actornan real, e asina yama 'live-action' y por lo menos un di e actornan di bos di e pelicula original lo bolbe back.

Hefe checutivo di disney Bob Iger a anuncia cu un 'live-action' di Moana ta den desaroyo riba dialuna durante un yamada cu inversionistanan. E produccion ta den su etapanan di comienso y aunke

te ainda no a anuncia un director, loke si a reporta ta cu Dwayne Johnson lo bolbe back y interpreta su personahe Maui.

"E storia aki ta mi cultura y e storia aki ta un emblema di nos hendenan su gracia y fortaleza," Johnson a splica. "Mi ta bisti e cultura aki cu hopi orguyo riba mi curpa y den mi alma y e oportunidad unico aki di reuni cu Maui, ken ta inspira pa e mana y spiritu di mi difunto welo, Hefe

Peter Maivia, ta uno cu ta sumamente profundo pami." Crea cu inspiracion di mitologia di Polynesia y carga pa canticanan di Lin-Manual Miranda, "Moana" tabata un hit masivo pa Disney den aña 2016, generando un ganashi di 643.3 miyon dollar mundialmente. Auli'i Cravalho, ken a duna su bos pa interpreta Moana den e pelicula original, lo ta un productor checutivo den e version nobo aki.



Tormenta ta laga morto y heridonan na Illinois den auditorio durante concierto

(TMZ) - Un concierto di e genero musical 'death metal' a bira un calamidad diabierna anochi despues cu un tormenta a impacta un auditorio na Illinois, causando e fayecimento di un persona y lagando 28 otro herida.

E concierto completamente yen na Apollo theater den Belvidere, Illinois a cuminsa 30 minuut prome cu un tormenta masivo a impacta e ciudad, causando cu e dak a colapsa riba e mas di 260 per-


sona presente na e concierto.

Morbid Angel, Revocation, Crypta y Skeletal Remains tur tabata den e lista di presentacionnan pa e anochi aki, sinembargo e dak a colapsa y personanan a keda pega bao di e dak colapsa. Den videonan di e incidente por mira e destruccion cu e tormenta a causa y con tabata core busca y purba saca e victimanan di bao di tur e sushi.

Bomberonan mester a presenta pa responde na un

"incidente di heridanen en masse" rond di 7:30 di anochi. Hefe di bomberonan di Belvidere a anuncia cu un persona a fayece y mas di 2 decena a keda herida.

5 di e personanan cu a sobrevivir esaki tabata gravemente herida, otro 5 a sufri heridanen menor y 18 tabatin heridanen mas modera sinembargo tur 28 a keda hospitalisa. Rond di 10:15 di anochi a controla y constata cu tur e personanan cu tabata na e concierto tabata fuera di



e edificio. Morbid Angel a bisa riba Facebook cu e concierto a keda cancela pa causa di "un

hos cu a dal e sitio." Tambe e banda a encurasha tur hende pa busca asilo y mantene nan mes safe.



Feliz Pasco Grandi!

En conexion cu Pasco di Resurreccion
nos lo ta cera riba: 6, 7 y 10 di april



Den caso di emergencia, por yama libremente nos Storingsdienst na 523-7147.

Departamento di Cultura Aruba ta duna palabranan di gratitud pa bishitantenan di Teatro di Corsou

Departamento di Cultura Aruba ta gradici e actriz, maestra y directora di Teatro renombra di Corsou, Sra. Laura Quast, cu a bin Aruba riba su mesun forza pa brinda su tremendo aporte y su maravioso sosten durante celebracion di Dia Mundial di Teatro 2023 cu a tuma lugha dia 27 di maart na Cas di Cultura Aruba, y cu tabata un protagonista den e Homenahe Postumo: "Aplauso pa Burny", dirigi exitosamente pa e maestra y directora, Sra. Amy Lasten, conhuntamente cu su elenco di actornan local.

Laura Quast a trece riba escenario un fragmento di e obra "Un anochi largo," cu den bida, Burny Every (nfm), a dirigi na Corsou cu cuatro actriz renombra manera su persona, Laura Quast, como tambe Rina Penso, Greta Trapenberg y Mila Palm.

Tabata un berdadero privilegio di por tin su persona hunto cu nos aki na Aruba, na unda nos por a disfruta di su experiencia den e ramo teatral cu su excelente con-



trol escenico y di bos y su actuacion sobresaliente representa den un fragmento cu ta papia pa su mes y cu a ser expresa cu tur tecnica di mundo, cu un poderoso dominio

dramatico y di caracterisacion cu a resalta su personalidad asombroso, captando atencion di un y tur den un presentacion digno di un gran dama di teatro.



Di e forma aki nos ta sigui estrecha nos lasonan di union entre nos islanan ruman y entre nos artistanan talentoso den Caribe cu ta carga cu pasion e arte teatral cu tanto

magistralidad y pasion. Masha pabien y masha danki pa su contribucion y su valioso aporte significativo cu ta garantiza parti di e desaroyo di Teatro aki na Aruba.

Advertorial

Celebracion hubilario di tres empleado public na Archivo Nacional Aruba



E siman aki Minister Xiomara Maduro, bou di cual Archivo Nacional Aruba (AÑA) ta resorta, a celebra hubilacion di tres empleado publico trahando. Ta trata aki di Sr. Raymond Hernandez, Sr. Mirto Tromp y Sr. Nelson Tiel.

Sr. Raymond Hernandez, cu ta e actual director di ANA a cumpli 30 aña di hubilacion y Sr. Mirto Tromp y Sr. Nelson Tiel ambos a cumpli 40 aña di hubilacion. "Danki pa bosu trabou duro, bosu

conocemento comparti y tur esfuerso cu bosu a bin ta haci diariamente pa eleva nos Archivo Nacional. Bosu contribucion ta di sumo importancia pa e memoria colectivo di nos Pais, no solamente pa nos den presente, pero sigur tambe pa e generacionan cu lo sigui nos."

Minister Xiomara Maduro, den nomber di Gobierno di Aruba, ta duna un palabra di pabien na tur tres hubilario y ta gradicinan pa nan trabou haci pa Pais Aruba.



**EASTER
DINNER BUFFET**



April 9, 2023
5PM - 10PM

\$55 p/p
+ 15% service charge

Photobooth • Live Music • Specialty Cocktail Station

Reservations recommended. Call us at 520.6312 or find us on OpenTable
Located at Aruba Marriott Resort

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



VWI:

“Uitspraak di hues no ta cuadra cu jurisprudencia existente”



Maart 31, 2023 a pasa y cu esaki a cera prome kwartaal di aña 2023. Cu e ciere di maart 2023, VWI ta cumpli dos (2) aña cu a entrega su apelacion den Hoger Beroep pa cu e uitspraak di Gerecht in Eerste Aanleg di 10 di maart 2021 riba e kort geding cu VWI-Vereniging a span contra W.E.B. Aruba NV pa loka ta trata e decision unilateral di WEB pa corta entrada di su trahadonan cu 12.6% pa henter aña 2021.

Manera ya ta conoci caba, hues mr. J.M.J. Keltjes a duna su uitspraak riba 10 di maart 2021, cual uitspraak no tabata na fabor di VWI-Vereniging. E mes un dia ey tambe, Gerecht in Eerste Aanleg a core saca un “comunicado di prensa” anunciando den tur medio di comunicacion e uitspraak hues Keltjes. Esaki no ta un practica usual di nos corte di husticia. Despues cu VWI a tuma nota

di e uitspraak di corte, VWI a busca conseho di su consehero legal y tambe di otro huristanan riba e uitspraak aki di corte. Tur, pero tur feedback cu VWI a haña for di esnan cu conocimiento di e materia ta cu e uitspraak di hues Keltjes ta “kort door de bocht” y cu no ta cuadra cu jurisprudencia existente. E uitspraak riba e kort geding K.G. nr. AUA202100225 ta, conforme varios huristanan unda VWI a busca nan opinion, por lo minimo un uitspraak “straño”.

VWI, den e mes un luna di maart 2021, a apela e sentencia di hues Keltjes den un Hoger Beroep na Gemeenschappelijk Hof van Justitie (“Hof”). Awe, comienso di april 2023, ta bay haci dos aña cu ainda no tin un vonnis di Hof riba e Hoger Beroep someti pa VWI. Riba 20 di september 2022 e caso di Hoger Beroep (AUA202100053KG) pidi pa VWI na Hof tabata riba “rol”

pa duna vonnis. E vonnis a wordo postponi. Dia 15 di november 2022 e mes un caso aki ta riba rol pa duna vonnis y atrobe esaki a wordo postponi. E ultimo rolbehandeling di Hof tabata esun di 28 di maart 2023 y e caso di Hoger Beroep di VWI no ta aparece riba e rol mes!

Puntrando rond na personanan mas conoci cu e mundo di Hof, VWI ta bin haña e impresion cu e postponimento continuo aki pa duna un vonnis pa cu e Hoger Beroep riba un kort geding ta algo cu no ta normal den circulo di corte di husticia. Segun feedback cu VWI a haña riba e uitspraak di hues Keltjes di 10 di maart 2021 unda cual tur experto cu VWI a puntra a bisa cu e uitspraak di e kort geding ta uno hopi straño.

Tambe e echo cu Gerecht in Eerste Aanleg ta core publica un comunicado di prensa den un cantidad di medio di prensa dunando un “splica-

cion” di e uitspraak di hues Keltjes ta un maniobra cu no ta algo normal pa nos corte di husticia den prome instancia.

VWI no ta participa den “conspiracy theories”, pero e curso cu e tardansa aki di Hof pa duna un vonnis concreto riba e uitspraak di kort geding KG nr. AUA202100225, VWI vs WEB, ta tumando, y e indole mes di e uitspraak di e kort geding sigui pa un publicacion pura pura den medionan di comunicacion ta duna toch material pa cuminsa pensa cu Hof mes no ta riba un liña pa cu e vonnis di e Hoger Beroep aki. VWI, consehero legal di VWI, y un number di huristanan ta bisa cu e uitspraak di hues Keltjes den e kort geding ta “kort door de bocht” y no conforme cu jurisprudencia existente.

VWI no ta expertonan den ley, pero bo no mester ta un experto den ley pa por duna oido na bo intuicion

cu ta bisa cu aki algo no ta “jive” manera cu mester ta. VWI ta keda den espera di Hof su vonnis riba e Hoger Beroep entama pa VWI (AUA202100053KG) y ta spera cu pronto e vonnis lo bin na cla. Si e uitspraak di hues Keltjes tabata eroneo, ta verwacht cu Hof lo coregi esaki. Y si Hof ta haña cu e uitspraak di hues Keltjes tabata na su lugar, e ora VWI lo kier haña un spli-cacion pakico.

Den tur caso, e vonnis di Hof ta conta pisa pasobra esaki ta bira jurisprudencia pa casonan den futuro. Opinion di VWI ta cu hinca man unilateralmente den saco di trahado sin un base den ley nunca lo por tin un hustificacion legal. Directiva General di VWI.

Vereniging van Werknemers met een Individuele Arbeidsovereenkomst in dienst van de Water- en Energiebedrijf Aruba (W.E.B.) N.V. (KvK Nummer H51783.0)

Trabao di 5 dia pa basha cas abao a termina

BCI a haya un yamada cu na Helfrichstraat San Nicolas tin un cas cu a kima y ta den mal estado. Mesora team 95 a bay na e sitio pa por controla e situacion, y a tuma contacto cu DOW, pa asina por trata ariba e caso aki.

Bureau City Inspector a pone Minister Ursell Arends na altura y den cooperacion cu Minister Evelyn Wever-Croes nan a tuma e decision pa laga haci e trabao concerni pa kita loke a resta di un cas cu a kima algun luna pasa.

Ayera despues di 5 dia tur trabao a keda cla. Centro di San Nicolaas a haya un cara nobo dilanti d e hotel cu ta den renobacion. "Economic development takes time, but we cannot lose faith. More commerce and creativity is necessary to foster progress. For decades long many abandoned buildings in San Nicolas we need to work on this." Esaki ta e palabra di algun.

"San Nicolas, nos di BCI ta spera cu e pueblo lo sa di mantene e lugar aki limpi y bunita. Tambe nos kier a gradici tur cu a yuda di un of otro manera, tambe na e team di DOW, KPA y BCI cu a haci e bon trabao durante e dianan aki."



Caso 'Flor': violencia na lugar publico

Corte den prome instancia a cera ayera e tratamiento di e caso penal contra cuatro sospechoso acusa di a comete violencia den publico. Ta trata aki di Y.T.M. (22 aña) y K.H.W. (27 aña) y e rumannan N.R.W.W. (33 aña) y A.C.D.W. (34 aña).

E sospechosonan aki ta acusa di a usa violencia den Azia Restaurant na Palmbeach riba 14 di november 2021, caminda a tira cu stoel, boter y glas y a causa destruccion den e establecimiento hopi bishita aki. E sospechoso T.M. ta wordo ademas acusa di a herida un trahador di e restaurant seriamente cu un boter.

Ministerio Publico a exige contra e sospechoso T.M. 230 ora di trabao pa comunidad plus un castigo di prison condicional di 3 luna cu un tempo di prueba di 2 aña.



Contra e sospechoso N.W. fiscal di husticia a exige 176 ora di trabao pa comunidad y un castigo di prison condicional di 1 luna mas 2 aña di tempo di prueba y contra e sospechosonan K.W. y A.W. 148 ora di trabao pa comunidad y 1 luna di castigo di prison condicional plus 2 aña di tempo di prueba.

Fiscal di husticia a enfatisa den su rekisitorio cu e caso aki, cu ta conoci como 'Flor', tabatin gran impacto riba comunidad y por a resulta hopi

malo pa e imagen di Aruba como destinacion turistico safe. E restaurant ta keda cerca di e asina yama highrise hotels y tabata sirbiendo na e momento ey tanto huespednan turista como localnan. E pelea a hiba na caos y panico bao di e huespednan, bao di cual tabatin tambe muchanan. Fiscal a bisa awe cu ta un milagro cu no a cay mas herido e anochi ey.

Huez lo dicta sentencia riba 21 di april venidero.

Manera comunidad por recorda, e caso aki a ricibi hopi atencion di comunidad pasobra un di e sospechosonan, K.H.W. ta yiu homber di prome minister Evelyn Wever-Croes. Tambe den medianan local a informa cu e sospechoso T.M. ta pareha di yiu muher di prome minister.

E incidente a tuma lugar na november di 2021.

ARUBA
Beach Club Resort
desde 1977

The **FIRST** Timeshare Resort in Aruba has an open position for immediate employment:

SECURITY GUARD (M)

Requirements:

- Min. MAVO / EPB or equivalent
- Must be able to work different shifts / holidays
- Must be able to speak and write English, Spanish & Papiamentu
- Of Dutch Nationality or a valid work permit
- Certified in First Aid/CPR or willing to take the corresponding training the soonest possible
- Willing to grant excellent service by being courteous, attentive, responsible and a good team-player
- In good physical condition
- Age between 25 to 45 years
- Must be able to present a letter of good conduct
- Must be willing to do a written test upon applying
- Upon applying, bring a valid ID, your Personal #, copies of diplomas/certificates and work permit (if applicable)

Please apply in person at our Human Resources Office at J.E.Irausquin Blvd. 53 between **9:00am – 3:00pm**, Monday to Friday.

For more information, please call telephone 524-3016.

Hulanda no tin plan pa blokia ChatGPT pa awo

(NLTimes) - Hulanda te ainda no lo blokia uso di ChatGPT, un servicio cu ta haci uso di Inteligencia Artificial pa skirbi texto cu aparentemente ta produci pa ser humano. E pais su regulador di privacidad a bisa cu nan ta monitor e situacion di cerca.

E vigilante di privacidad Italiano, Garante per la Protezione dei Dati Personali (GDPD) a dicidi riba diabierna cu lo prohibi ChatGPT. Segun e regulador, e compania tras di e sistema, OpenAI, no ta cumpli cu e reglanan pa colecta dato personal y e compania no ta splica di manera apropiada na e usuarionan ki data personal ta colecta y kico ta pasa cu e data aki.

Segun GDPD, tambe tabatin un robo di data na ChatGPT



anteriormente e luna aki.

E data cu a leak ta tocante combersacionnan cu e usuarionan tin cu e sistema y detayenan di pago di e usuarionan

suscribi. Ademas, e regulador a keha cu n o tin base legal pa e coleccion masivo di dato y e hecho cu ta warda e data pa "train" e algoritmo.

OpenAI tin 20 dia pa anuncia ki medidanan nan lo tuma pa coregi e fayonan. Si e compania no haci esaki, lo otorga un boet di 20 milyon euro of un boet di 4 por ciento di nan ga-

nashi anual.

Dutch Data Protection Authority a bisa cu tin biaha hende ta comparti mas informacion personal via aplicacion y servicionan online di loke nan ta kere of lo kier. "Esaki ta dicon semper ta adverti pa tin cautela. Por chempel, aplicacionnan of servicionan por aparenta gratis, pero en realidad bo ta paga pa esaki pa medio di keda di acuerdo cu nan terminonan y condicionnan pa comparti tur tipo di data. Tin biaha, esaki ta hasta inclui data cu ta fuera di e aplicacion manera bo comportamiento riba internet, bo localidad of bo contactonan."

E compania tras di ChatGPT, manera tur otro compania den Union Europeo, mester cumpli cu e reglanan di proteccion di data Europeo.

Robot lo por yena 30% di vacatura pa aña 2030

(NLTimes) - Pa aña 2030, robotnan di servicio lo por yena mas o menos 30 por ciento di vacatura laboral, dependiendo riba e sector. Den logistica, robotnan di servicio lo por yena te hasta mita di e trabaonan disponibel, segun e agencia di consulta PwC a conclui den investigacion tocante e rol di robot den e mercado di labor Hulandes, Financieel Dagblad a reporta.

Robotnan di servicio ta "yuda empleadonan carga mas, organiza mas lihe of transporta di punto A na punto B mas lihe," segun hefe di PwC Jan Willem Velthuisen a expresa na FD. Esaki ta inclui brasanan robotico den fabrica, pro-



grama podera pa inteligencia artificial manera ChatGPT y robotnan medico.

Inteligencia Artificial lo mehora e mashinnan aki den

e añanan binidero, PwC ta premira. Robot lo por siña nan mes mas, mira nan ambiente, tende y papia miho. Esaki ta trece varios aplicacion den profesionnan di servicio, unda e uso di robot actualmente ta relativamente limita. Manera den tiendanan di paña, cuida di salud y catering.

Sinembargo e bentahanan mas significante te ainda ta den companianan cu ta transporta y warda articulonnan, Veldthuisen a bisa. Robot por yena mas di mita di e vacaturanan den e sector aki, yenando 65,000 cupo pa aña 2030. Den produccion industrial, robot por yena 46 por ciento di vacatura, den construccion 36 por ciento y den tiendanan 35 por ciento.

Robot su contribucion lo ta relativamente abao den cuida di salud y servicio di educacion ya caba ta enfrendando escasez di empleado masivo. Sinembargo pa motibo cu tin asina hopi hende trahando den e sectornan aki, robot por haci un diferencia significante den termino absoluto. Den cuida di salud, robotnan di servicio lo por yena 110,000 di e 520,000 cupo cu ta premira y 17,000 di e 207,000 vacatura den educacion.

Segun PwC, Hulanda ta atras compara cu otro paisnan Europeo ora ta trata di e uso di robot den e mercado di labor. Solamente 2 por ciento di negoshinan Hulandes ta usa robot den aña 2020. PwC a mira cu no tin un splicacion cla pa esaki mirando cu residentenan Hulandes ta relativamente habri na robot, labor ta relativamente caro y Hulanda tin suficiente capital disponibel pa inverti den robotisacion. Ademas, variso compania di tecnologia den e pais ya caba ta traha riba e tipo di tecnologia aki.

Velthuisen ta pensa cu e problema ta resistencia den e luga di trabao. Sectornan unda e robotnan por haci un diferencia grandi, manera cuida di salud y educacion, hopi biaha ta contrata hende di edad mas halto, ken ta menos habri na tecnologia cu ta spaar labor.



Compania internacional Mondo ta na Aruba

Pa haci un evaluacion final riba e atletiekbaan cu ta den proceso di renobacion na Stadion GPT na Dakota

Minister Endy Croes a bishita Compleho Guillermo Prospero Trinidad na Dakota pa wak e progreso di e renobacion di e

stadion.

MONDO, un compania internacional cu ta pone y aproba atletiekbaan rond mundo



ta na Aruba. PanAmerican Sports Organization a trece director y representante di MONDO, Sr. Micheal Tovar na Aruba pa haci un evaluacion final riba e atletiekbaan cu ta den proceso di renobacion.

A duna un splicacion amplio di kico tur mester haci pa drecha e atletiekbaan conforme standard internacional y pa por ricibi un certificacion. Unabes cu a evaluacion aki keda cla, Sr. Tovar lo presenta

un "quotation" pa concretisa e parti aki.

Banda di esaki, a tuma nota di diferente renobacion cu ta den proceso caba, entre otro, kibramento di tribuna y ran-camento di tegels di e parti paden. E trabou ta andando y dentro di 8 luna nos por Compleho Guillermo Pros-

pero Trinidad den un bachi completamente nobo.

Minister Endy Croes ta gradici Presidente di Pan American Sports Organization Sr. Neven Ilic cu a coordina pa trece e ekipo di MONDO y asina ofrece Aruba un atletiekbaan aproba di acuerdo cu standard internacional.

Team Snor a introduci "e masacre di 1 april"!

Diasabra 1 april ultimo a tuma luga e tan spera encuentro entre e rivalnan di semper Team Snor y Sero Blanco DT. Un bata-ya cu hopi "connoisseur" di domino a spera di ta un anochi di kibra nervio y yena cu adrenalina.

Sinembargo, manera nan ta bisa na Hulandes, "het is met een sisser afgelopen"! E fecha di 1 april muy probabel a hunga un rol importante, ya cu e desarojo di e anochi aki ni na Hollywood nan lo por a traha su script!

Ni con hende draai su cabes rond di e cos aki, e ta keda un misterio total. Halftime ta dreña y cu wowonan di coneu den luz di foks di mei anochi, Sero Blanco ta staar n'un scoreboard indicando cu nan ta perdi cu nada menos 1 pa 11! Un berdadero "donderslag bij heldere hemel", un scenario di horror; Saturday April 1st, Fool's Day, y net e dia ey bo bateria di domino ta flauw flauw! Con e snacks por baha bou circunstancia asina? Con marga e 'biertje' lo a smaak? Cu calafriu so hende por imagina ...

Segundo tempo ta cuminsa y Sero Blanco ta haci un intento heroico pa toch scapa cara y logra lo practicamente



imposibel contra e mashin matematico di Nelson "Snor" Perez, pero den no time, locual muy probabel lo keda conoci pa generacionnan largo como "E Masacre di 1 April", a tuma luga. Team Snor ta cera e anochi c'un score increibel di 21 - 7, y ban spera cu esaki no ta motibo pa "straatnamencommissie" cambia e nomber di bario pa "Sero 1 April"! Mester menciona si cu e dama capitan di Sero Blanco a logra pasa clean board si, pero manera nan ta

bisa na Ingles, "too little, too late"! E "afstraffing" ya tabata inevitabel.

Pero, shonnan, esnan cu conoce Sero Blanco, ya sa caba cu e revancha ta den tapara! Esaki lo bira en berdad e revancha di siglo. Tambe, segun nos horea na muraya, den "wandelgangen" tin papia di un ekipo nobo cu lo bay haci su debut; un tal "Stone Strikers". En todo caso, aña 2023 ya caba ta priminti di ta un sambombaso di aña!

ARUBA
Beach Club Resort
desde 1977

JOB OPPORTUNITY

HUMAN RESOURCES MANAGER
Aruba Beach Club Resort

The HUMAN RESOURCES MANAGER will lead and direct the routine functions of the Human Resources department and reports to the General Manager.

Position Profile

- Performance management – deliver performance management programs that drive high performance culture.
- Recruitment and selection – direct and manage the recruitment and selection process.
- Learning and development – implement and monitor effectiveness of training programs.
- Human Resources policy – develop, implement and maintain Human Resources policies across the organization.
- Reporting and management of Human Resources metrics – produce reports on key metrics, including remuneration and benefits, absenteeism and turn over.
- Leadership – mentor direct reports and provide coaching to help them reach potential.

Position Requirements

- Bachelor degree in Human Resources Management or Hospitality/Tourism Management.
- Minimum 5 years' experience.
- Working Knowledge of HR policies, procedures, Labor Laws and familiarity with the latest HR trends.
- Knowledge of Payroll Pro/HRM & PayClock System.
- Proficient in Microsoft Office Applications.
- Fluent in English, Dutch and Spanish.
- Responsible, detailed and a person of integrity.
- Flexible in working hours.
- Excellent interpersonal and communication skills.

The Aruba Beach Club Resort is a world class timeshare resort which, as the first of its kind in the Caribbean, provides Aruban style excellent service to its members and guests. We offer competitive salary and benefit packages. Submit your application, including cover letter and resume, via e-mail to lurbina@arubabeachclub.net

Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

BISTA POLITICO

Parlamentario Shailiny Tromp-Lee (MEP) ta desea tur scol y tur deportista hopi exito cu Weganan Escolar Aruba 2023



Diabierna ultimo, dia 31 di maart 2023, Minister Endy Croes a anuncia finalnan di Weganan Escolar (WE) 2023. E finalnan lo ta di dia 26 di mei pa dia 10 di juni proximo. Alabes nos a cera conoci cu e mascota di e weganan pa e aña aki, esta Wiwi cu ta primo di WEWÉ cu tabata e mascota di aña pasa.

Durante e rueda di prensa Gobierno a anuncia e final di WE Aruba y a duna tur informacion encunto WE 2023. Un biaha mas mi a keda encanta cu tur e informacion y e formato di WE Aruba, esta e parti di uniform cu tur e scolnan cu ta participa, referee y coach ta ricibi, e diferente premionan atractivo cu e scolnan ganado ta ricibi (maximo di 5000 florin), jingle, mascota etc.

Manera indica pa Gobierno un di e metanan di WE Aruba ta pa promove deporte bou di alumnonan di scol preparatorio, basico y secundario. Deporte ta fomenta union, alegria y crea amistad. Tambe deporte ta trece positivismo sin lubida cu e ta sano. Deporte ta e vehiculo pa hiba bo semper riba e bon caminda, deporte ta trece union y deporte ta crea lider. P'esey mes ta na su lugar pa felicita Minister Endy Croes, IBISA, stakeholders y tur scol cu ta participa na e weganan y desea nan tur clase di exito.

WE Aruba a tuma lugar pa prome biaha aña pasa, y ta Olimpiada escolar den un bachi nobo. Olimpiada Escolar ya tempo di Minister Ramon Lee tabata un exito total. P'esey



mes mi tabata contento ora Minister Endy Croes a anuncia WE Aruba aña pasa. Despues di e gran exito di WE Aruba 2022, mas cu claro gobierno a dicidi pa continuacion di e weganan, cual cualificacionnan a tuma lugar aña pasa. E weganan di clasificacion pa Weganan Escolar 2023 a cuminsa na luna di october 2022 y a finalisa na luna di maart 2023. Un total 975 alumno di 40 scol ta participa na Weganan Escolar 2023, 12 Scol Preparatorio, 20 Scol Basico y 8 Scol Secundario. Un exito caba si nos wak e participacion.

Weganan Escolar ta un competencia pa alumnonan di scol preparatorio, basico y secundario cu ta competi den seis diferente disciplina e.o., futbol, basketball, volleyball, badminton, functional fitness y beach tennis. E aña aki un biaha mas tambe lo tuma lugar e competencia di baile deportivo, unda e alumnonan di e scolnan por trece dilanti nan talento y creatividad. Asina WE Aruba ta duna atencion na diferente disciplina y no na deporte so. Algo cu mi ta aplaudi.

E gran apertura di WE Aruba 2023 ta tuma lugar na Compleho Deportivo Frans Figaroa na Noord dia 26 di mei y ta clausura dia 10 di juni na Joe Laveist Sport Park na San Nicolas. Dos siman di competencia deportivo y di preparacion y competencia di baile.

Mi ta haci un invitacion na comunidad di Aruba pa duna sosten y apoya na nos mucha y hobennan. Laga nos yena e complehonan deportivo cu yen di famia y crea e union asina bunita pa apoya e scol y nos muchanan. Nos tur tin yiu, nieto(a), subrino(a), iha etc. Ban durante e siman aki apoya nan of nan scol y haci WE Aruba algo grandi. Ban aporta na logra un di e metanan di WE Aruba cu ta pa promove deporte bou di nos alumnonan di scol preparatorio, basico y avansa. Ban brinda deporte e oportunidad pa en berdad ta un motor pa crea amistad, forma futuro lidernan pa nos comunidad, fomenta caracteristicanan positivo y crea mucha y hobennan mas sano. Mi ta convenci cu pa nos mucha y hobennan e dianan aki lo keda pa semper den nan memoria.

Minister Endy Croes (MEP):

Pronto pueblo lo mira un gran desaroyo den e infraestructura di futbol di Aruba



Recientemente, Minister Endy Croes a reuni cu Presidente di Arubaanse Voetbal Bond (AVB), Sr. Randolph Lacle y Secretario General di AVB, Sr. Hubert Solagnier.

Durante e reunion a dialoga tocante un biahe reciente cu AVB a haci. AVB a caba di regresa di un congreso grandi di FIFA cu a tuma lugar na Africa, unda cu presidente di FIFA a keda reeligi. Ademá, a reemplaza FIFA Forward Programme 2.0. pa un version mas nobo. A aproba FIFA Forward Programme 3.0, unda ta bay sigui yuda den inversion di infraestructura deportivo di mas di 200 miembro di FIFA rond mundo.

Manera ta conoci, durante hopi aña AVB tin fondo internacional di FIFA, pero pa motibo cu no ta cumpli cu cierto requisito cu FIFA ta exige, no a ricibi e fondonan aki ainda. Durante e congreso aki a yega na un acuerdo mas flexibel pa Aruba, cual dentro di algun luna nos lo bay experiencia. AVB hunto cu stakeholders y Gobierno di Aruba lo bay mira desaroyo hopi bunita den e infraestructura di e deporte di futbol na Aruba.

Banda di esaki, FIFA ta contento cu Gobierno di Aruba a inverti den un stadion cu pronto lo keda cla y cu FIFA ta aproba. Finalmente, e aña aki AVB lo ricibi e fondo cu tabatin stanca durante hopi aña na FIFA, pues tambe nos lo mira hopi desaroyo den e infraestructura di futbol di Aruba den aña 2023 di e fondo aki.

Ora di STUUR pone bo cel abou

E text por warda Bo bida NO

Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

BISTA POLITICO

Lider di partido Curpa, Eric Ras

Intencion di World Economic Forum ta pa kita libertad y privacidad di e pueblo

World Economic Forum no ta para keto. Na januari 2023 WEF a reuni na Davos, Suisa pa pusha e agenda 2030. Nos gobierno a firma e tratado pa bira e prome pais den Caribe. Aruba ta e modelo den Caribe. Hopi importante pa pueblo di Aruba ta conciente cu e modelo aki ta nada otro cu nos lo no tin libertad ni privacidad mas. Nos lo perde tur nos derechonan y ta cay bao di un regimen comunista.

Tanto prome minister como vice prome minister a biaha pa New York pa atende e reunion di Nacionnan Uni pa locual ta trata number 6 di desaroyo sostenibel cu ta papia di awa limpi y saneamento. Gobierno ta atende yen di reunion den exterior pero ora mester pone man na obra e ta laga hopi di desea. Un ehempel di esaki ta e planta di purificacion na Bubaliplas unda gobierno ta papia hopi y haci

nada.

Nos prome minister a caba di bin for di New York y ya e ta prepara pa biaha pa Hulanda. Despues di a firma pa coho riba e diabierna scur di 13 di November 2020 awor ta bay pa firma e Onderlinge Regeling. Firma ta un cos y papia e berdad ta otro. Nos prome minister tabata tira culpa riba Hulanda pa a kita e 12.6% for di e ambtenaarnan y 60 milyon for di AZV. Tweede kamer tabata kier contesta riba e kitamento di placa for di ambtenaarnan y e 60 milyon for di AZV. E contesta di Van Huffelen na Tweede Kamer tabata ta cu no ta Hulanda a forsa gobierno di Aruba sino ta gobierno di Aruba a impone e medidanan aki riba lomba di pueblo. Gobierno kier tira santo den wowo di pueblo y haci comosifueru cu no tin coho mas pero e landspakket si ta dreña na vigor. E prestatiemanagement ta un di nan. E open border policy ta un otro mas y p'esey nos

tin casi 100 marechaussee.

Nos por a lesa cu minister di turismo y salud publico a anuncia cu no mester di paspoort mas sino ta papia di credencialnan digital. Esaki ta un otro proyecto di WEF cu ta cay bao di punto 9 di e metanan di desaroyo sostenibel. Esaki ta e paspoort digital cu tin tur informacion di e persona. E paspoort aki lo yuda e gobierno controla cada persona cu biaha y si e persona ta contra di gobierno ta facil pa gobierno blokia e persona. Lo bo no tin acceso na bo cuenta bancario mas. Danki Dios tin paisnan rond mundo a lanta para. E proximo stap ta e great reset. Nos ta na rand di e crash di e economia mundial. E dollar ta perdiendo su balor y no ta e moneda importante mas pa negocia. Cu caida di economia mundial hopi hende lo perde nan trabao y tambe lo no por saca nan placa for di banco y e consecuencia ta cu esnan cu tin placa na banco lo

perde nan placa. Esaki no ta nada nobo paso el a pasa caba. Den Silicon Valley Bank hopi hende a perde nan placa caba. Stock Market tambe lo crash. E caida di economia aki lo bay ta pio cu 2008 paso WEF kier pusha pa introduci e moneda digital di Central Bank Digital Currency pa asina tin mas control riba cada persona. Paisnan manera Brasil, Rusia, India, China y South Africa tin nan banco cu ta riba e standard di oro y esaki ta haci cu WEF lo no tin control riba henter mundo.

Pueblo di Aruba nos gobierno hunto cu Hulanda ta wordo goberna pa WEF. E siman nos dilanti gobierno Hulandes kier introduci e ley di stikstof pa asina kita e terenonan for di e agricultornan. Nos por spera e caida di e gobierno Hulandes. Nos gobierno mester bay cas pa nos por salba nos isla di bira comunista. Nos parlamentarionan cu ta bisa di ta Cristian ta contribui pa caba cu e famia crea pa Dios



y aporta pa e pueblo Cristian wordo sacrifica. E metanan di desaroyo sostenibel ta pa baha poblacion mundial, kita bo privacidad y libertad. E parlamentarionan cu ta bisa di ta Cristian ta sostene e plan diabolico di gobierno pa kita nos libertad. Partido Curpa ta e unico partido cu ta sali na defensa di e famia y di pueblo di Aruba. Nos tin FE den Dios cu Dios lo destrui e plan di e gobierno diabolico aki. E dianan di e gobierno comunista aki ta conta.

Minister Dangui Oduber (MEP)

Un siman importante y cu logronan grandi tras di lomba

Minister di Turismo y Salud Publico Sr. Dangui Oduber ta recapitula riba un siman hopi importante y cu logronan grandi pa pais Aruba.

Jaxport

E mandatario tabata tin un

biahe di trabou pa Jacksonville Florida hopi importante, caminda a firma un MOU entre gobierno di Aruba, Jaxport, Eagle LNG y e estado di Florida. Minister Oduber a duna di conoce cu e MOU aki a keda firma despues di 3 aña y mei cu e negocia-

cionnan ta andando.

Minister Oduber a sigui bisa cu e MOU aki ta uno hopi importante pa e oportunidadnan cu Jacksonville ta brinda pa pais Aruba. Awor lo bay sigui traha a base di e MOU aki pa asina logra yega na un

“letter of intent” cu Jaxport den futuro cercano.

Segun Minister Oduber e biaha di trabou tabata uno hopi exitoso caminda a tene un reunion di mesa rondo. Esaki tabata cu entre otro ehecutivonan di Jaxport, ehecutivonan di estado di Florida y tambe cu e comunidad di comercio. Ya caba a cuminsa traha riba un mision di intercambio entre Florida y Aruba.

ARUBA HAPPY ONE PASS

E siman aki tambe a lansa un otro proyecto di Ministerio di Turismo y Salud Publico, esta e Aruba Happy One Pass. Esaki ta un proyecto di “Seamless Travel”, pues biaha sin preocupacion haciendo uzo di credencialnan digital. Esaki a wordo realiza conhuntamente cu e partnernan internacional cu ta SITA y Indicio. Tambe en conhunt

cu nos partnernan local cu ta Aruba Airport Authority, Aruba Tourism Authority, Ministerio di Transporte, Ministerio di Husticia y departamento di Inmigracion.

E proyecto aki ta bay facilita e biahero/turista Americano masha hopi mes. E ta bay yuda na rebaha e tempo di e trayectoria den nos aeropuerto di momento cu e baha di avion te ora cu e sali di e aeropuerto haciendo uzo di innovacion y tecnologia.

E mandatario a duna di conoce cu Aruba un biaha mas ta demostra di ta lider den innovacion mundialmente. Aruba ta e prome pais na mundo cu ta ofrece e servicio aki.

Segun Minister Dangui Oduber esaki sigur ta yena su persona cu hopi orguyo y satisfaccion. Aruba un pais asina chikito y liderando mundo den innovacion.



Anochi informativo pa crea mas lasonan commercial cu Colombia

KvK ta organisa un anochi di informacion encuanto e mision comercial di Aruba pa colombia na luna di mei proximo

Camara di Comercio y Industria Aruba (KvK) den colaboracion cu Departamento di Asunto Economico, Comercio y Industria (DEZHI) y Minister di Economia, Comunicacion y Desaroyo Sostenibel, ta organisa riba 6 april 2023 un anochi informativo tocante un mision comercial pa Colombia cu lo tuma luga den luna di mei proximo.

E intencion ta pa comerciantenan di Aruba bishita e ciudad di Bogotá cu e meta principal pa cera acuerdonan comercial entre e negoshinan



di Aruba y di Colombia. Durante e anochi informativo lo duna tur informacion necesario y alabes invita e comerciante pa participa na e mision comercial. E mision aki ta un oportunidad fantastico pa empresarionan cu ta buscan-

do pa amplia nan horizonte y investiga mercado nobo.

Mision comercial


E mision comercial lo tuma luga dia 22 pa 26 di mei na Colombia y lo consisti di B2B meetings cu empresarionan di Colombia. E mision ta combina cu un evento di 2 dia di matchmaking. Otro puntonan di e programa ta sesionnan di informacion tocante e logistica y e impuesto aplicabel pa exporta for di Colombia, combina cu un excursion y bishita na negoshinan di Bogotá. Durante e matchmaking lo combina diferente negoshi di Aruba cu negoshi di Colombia a base di nan potencial y similaridad. Nos comerciantenan por haya mas informacion di e producto y servicionan cu e negoshinan na Colombia ta brinda. Tambe e comerciantenan di Aruba lo haya e oportunidad pa intercambia idea y traha sinergia pa asina crea mas relacion comercial.

Anochi informativo

E anochi informativo aki lo tuma luga den auditorio di

KvK riba diahuebs 6 di april di 5.30pm-7.30 pm. Durante e anochi aki lo brinda informacion di e obhetivo y programa di e mision, detaye di costo y registracion. E anochi lo wordo clausura cu un sesion di pregunta y contesta, networking y despues lo brinda oportunidad pa tur esnan interesa haci pre-registracion pa e mision comercial.

E mision aki ta un bon oportunidad pa crea laso comercial cu Colombia y oportunidad pa diversifica producto y/of servicio. KvK ta invita tur comerciante local cu kier expande y forma parti di e mision comercial pa Bogotá pa asisti na e anochi informativo. Por registra pa e anochi informativo via e link aki <https://forms.gle/QMqyS-fBb5fmiHzA7A> y forma parti di un tremendo oportunidad comercial. Pa mas informacion por tuma contacto cu departamento di Business Information & Support via email: businessinfo@arubachamber.com of via tel: 582-1566 etx. 30/35/42.

Resultado Sorteo <i>april 3, 2023</i>			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
0979	8598	9138	5528
2951	3808	SUPER5	8941
0036	1311	-	8816

MERDIA	ANOCHI	
 Sorteo # 3874 7150 0463 0164 MULTI-X X2 BIG 4 Sorteo # 3874 2205 OFF Sorteo # 1930 0925 ZODIAC Sorteo # 3874 3682 Geminis LUCKY 3 Sorteo # 748 735 MULTI-X X2	 Sorteo # 7908 2658 8407 9994 MULTI-X X2 BIG 4 Sorteo # 6952 7274 OFF Sorteo # 1657 5914 ZODIAC Sorteo # 5711 2606 Libra LUCKY 3 Sorteo # 641 711 MULTI-X X3	 Sorteo # 0 x Jackpot 0 x Match 4+ 0 x match 4 0 x Afl. 12,00 Joker Letter Proximo Jackpot 800.000,- Sorteo # 6080 0 x Jackpot 4 x Match 4 157 x Afl. 8,00 02-11-20-28-30 Proximo Jackpot 61.000,- Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball: Proximo Jackpot 260.000,- Afl. 360.000,- Sorteo #

Ban Busca Webbo na Playa Pabao



Directiva di Centro di Bario Playa Pabao ta anuncia su proximo actividad cual lo ta "Ban Busca Webbo na Playa Pabao". E Actividad aki ta tuma lugar diadomingo 9 di april, mainta di 9or pa 11or na nos Centro.

Riba e dia aki tin buscamiento di webbo pa muchanan di 4 aña te cu 8 aña. Mayornan por inscribi nan yiu(nan) di dialuna pa diahuebs mainta di 9or pa 12or y despues di merdia di 3or pa 6or. Diasabra mainta di 10or pa 11or un

miembro di directiva lo ta na Centro pa tuma inscripcion. Pa e actividad aki directiva di Centro di Bario Playa Pabao ta cobra un contribucion. Muchanan lo ricibi un "hotdog" y "juice" y naturalmente nan tin e oportunidad pa gana un premio.

Pa motibonan organisatorio directiva di Centro di Bario Playa Pabao ta haci un apelacion riba mayornan pa inscribi nan yiu(nan) na tempo y no warda te na ultimo momento. Ultimo dia pa inscribi ta diasabra mainta 8 di april.



Clasificado

ECONOMICO aviso@bondia.com

Personal GRATIS max. 20 palabra
 PASA LAGA BO AVISO NA OFICINA DI BON DIA
 ARUBA WESTSTRAAT#22 FOR DI 9:00AM-4:00PM
 Email nos na
 classified@espnv.com

TA BENDE

Hooi a yega (yerba pa bestia)
 Matividiri 60
 594 1317
 Afl.55 pa 74 LB
 Tel. 594 1317

SERVICIO PUBLICO

Construction
 remodelacion di cas, traha cas,
 apartment, traha y drecha dak,
 electricidad, verf pega mosaico,
 traha cura, plomeria. Bon prijs
 Tel. 593 3141

SERVICIO PUBLICO

Buscando auto pa huur y na bon
 prijs? yama nos
 Tel. 593 9953/ 593 8453

SERVICIO PUBLICO

Ta haci tur trabou di
 construccion y carpinteria y tur
 cos cu ta furamento di stul di
 bambu, cabana y toldos
 Tel : 746 0518 / 569 7539

TA BENDE

BBQ Grill tipo cilinder
 "criyoyo" duradero
 Prijs Afl.250
 Tel. 569 7787

SERVICIO PUBLICO

Sushi den cura pa solamente
 50,- pa buelta, nos ta lante lague
 limpi mane un soño.
 Arubiano trahado
 Call 592 5766

Sushi den cura?

Ta piki sushi cu pick-up
 grandi pa Afl 75,= pa buelta.
 Yama nos na
 561 4297 of 561 5179
 Hasi Aruba Limpi.

TA BENDE

Caha di Orgel.
 Tin 3 cylinder NOBO.
 Pa mas informacion yama
 Tel. 593 0203

SERVICIO PUBLICO

Mi ta cuida mucha " baby sister".
 Mi tin bon experiencia
 y bon cuida
 Te. 562 5941

SERVICIO PUBLICO

Pa tur trabou di Plumbing
 (binnenleiding) pega w.c
 wasbak, tubo di gas, etc
 Yama Mario Franken
 Tel. 740 6591

SERVICIO PUBLICO

Pa tur trabou di tapiceria di
 mueble, auto, yate y barco.
 Nos ta haci trabou di cabana y
 bambu y nos ta verf
 Tel : 569 7539 /737 3993

AUTO Y HERO BIEU

Nos ta piki auto, aircu y bateria
 bieu pornada. Frigidaire, stoof,
 wasmachin, tv ta 10,=.
 Yama 561 4597 / 561 5179
 Arubiano Balente

TA BENDE

Combo di regalo pa tur
 ocasion: Mugs, kerki di biña,
 tablashi cu leyenda
 Pa mas informacion
 Cell whatsapp 567 2907

TA HUUR

Se alquila habitacion con todo
 incluido
 Brikstraat na Playa
 Tel.564 1979

SERVICIO PUBLICO

Sra. ta haci cas y negoshi limpi
 tambe por cuida baby y hende
 grandi part time y full time
 Tel. 740 7573

TA BUSCA

ABESO
 Roofing & Contractors
 Ta Busca
 Dakbedekkers
 Por yama na
 593 6720 of 593 9536

SERVICIO

Unified One Events
 Photos , films, wedding
 Tel. 749 2533

SERVICIO PUBLICO

Ta traha y renoba Cas
 ta traha y drecha dak, ta basha
 vloer, pleister, verf cas, traha
 cura, pega mosaico y azulejo-
 Tel.563 4168

SERVICIO PUBLICO

Nos ta haci trabou di
 plomeria, electricidad,
 hardineria incluye hiba sushi
 Handy man.
 Tel.742 6250

SERVICIO PUBLICO

Mi ta chapi, lanta sushi, corta
 mata, transporta frigidaire, was-
 machine biew, drecha cas, etc.
 Tel. 564 1979

SERVICIO PUBLICO

Pa haci trabow di verf y chapi,
 tur mantencion di pafor di cas
 Yama y puntra pa Benito na
 Tel.630 5185

TA BUSCA

trabou pa haci cas limpi,
 negoshi of oficina
 Tel.561 3910

SERVICIO PUBLICO

Handyman
 Pa trabouw di verfmento
 plumbing tuberia, chapi,
 limpieza di cura, drecha mata
 Tel : 567 1108

TA BUSCA

Professional Signs & Metal
 mester specialista cu experticia
 cu por traha cu letternan y
 structura di aluminium form
 welding (sign maker y sign
 paint) elabora tambe letter in
 plexiglass
 Tel. 587 0442

SERVICIO PUBLICO

Limpieza pa cas y auto
 Presure wash cura di cas
 Laba muebles
 Laba tapijt
 Laba sienta di auto
 Laba vloer
 Tel. 593 9464

SERVICIO PUBLICO

Pa trabou di data-entry of
 update di bo administracion pls
 contact:
 Tel.5682339

SERVICIO PUBLICO

Mi ta ofrece servicio di
 electricista en general corto
 circuito y mantencion
 Tel.566 5026

TA HUUR

Un camber cu tur cos inclui na
 Brikstraat 1
 Tel.564 1979

SERVICIO PUBLICO

Masaje relajante, sports ma-
 sages, aroma terapia, piedras
 calientes, reflexologia, faciales
 Sabana Basora # 157 P.Ch.
 Tel. 561 8520

SERVICIO PUBLICO

Mi ta ofrece pa cuida di mucha
 di dialuna pa diabierna y
 weekend. Pa informacion
 Tel. 558 7310

SERVICIO PUBLICO

Nos ta chapi, corta y planta
 mata, brinda tur servicio cu bo
 cura mester. Tira sushi afo, tur
 esaki na un super bon prijs
 Tel. 738 1908

SERVICIO PUBLICO

Ta ofrece pa verf y chapi cura
 bon prijs. Nos ta hiba e sushi.
 Yama pa mas informacion na
 563 4828 / 5679610

SERVICIO PUBLICO

Hacemos todo tipo de construc-
 cion, reparacion de casas, pin-
 tura, acabados finos, jardines,
 patios, techos a buenos precios
 Tel. 569 7539 / 746 0518



Cas Di Cultura

Vondellaan 2 Aruba
 297-582-1010

F A D A

Campanastraat 5 Aruba
 297-583-2999
 297-583-9610
F A V I
 Primavera 233 Aruba
 297-582-5051
 297-582-5222

F E P O

Engelandstraat 15 Aruba
 297-583-1016
 297-583-6607

**Fundacion Contra
 Violencia Relacional**
 Tel: 583-5400

Fundacion Autismo Aruba

Irenestraat 21 Aruba
 297-588-1179

Fundacion Pa Nos Muchanan

Cumana 2 Aruba
 297-583-4247

Fundacion Tel Pa Hubentud

Wilhelminastraat 19
 Aruba
 297-588-6138
**Koningin Wilhelmina
 Fonds**
 Spinozastraat 9 Aruba
 297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
 Tel.297-582-2219
 Fax 588-3376

Famia Planea (SBVO)

Avenida Milio J Croes 17
 B Aruba
 297-588-9591
 www.famiaplanea.org
 famiaplanea@hotmail.
 com

Stichting Fundacion Guia Mi

George Madurostraat 34
 297-582-0088

Y M C A

Calbasstraat 1 Aruba
 297-582-3072

AL-ANON group

Sabana Liber #8, Noord
 (close to the hotels)
 Tel: 736-2952 or
 593-7081



Dokter na warda

Oranjestad San Nicolas
Hospital Imsan
 7:00 pm / 10:00 pm 24 ora

Botica na warda

Oranjestad: San Nicolas:
 Oduber Aloe
 Tel. 582 1780 Tel. 584 4606

EMERGENCIA

911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
 Taxi C.A.**

Tel: 582 2116 /582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Aurora

Royal Pray

Funeral Home & Crematory

Caminda Dios ta, ey mi ke biba.
Señor ta mi lus y salvacion,
di ken lo mi tin miedo?
Señor ta fortaleza di mi vida
pa ken lo mi tembla?
Salmo 27

Cu dolor na nos curason, nos ta participa fayecimento di nos ser stima:



**Sra. vda. Iginia R.
van der Weide-de Windt**
cariñosamente yama "Ina"
viuda di: † Hilbert W.J. van der Weide
*27-07-1936 - †31-03-2023

Mescos cu yiu: Raquel van der Weide
Mescos cu nieta: Laura Lopez

Cuñan:
Sra. vda. Agnes de Windt-Nicolaas
Sra. vda. Claudette de Windt-Caldeira

Sobrino y sobrina nan:
Edna, Leticia, Ingrid, Franklin, Roosje, David,
Emy, Stella, Hubert, Ingrid, Maikel, Margot,
Jeanet, Mirian, Stella, Glenn, Giovanni, Karen,
Claudia

Su ayudante: Denise Pierre

Prima stima:
Adelita Tromp-Bisliip y esposo Albert
y demas primo y prima nan

Demas famia na Aruba, Curaçao, Miami,
Hulanda, Belgica y Puerto Rico:
de Windt, van der Weide, Bisliip, Maduro,
Tromp, Quandt, Nicolaas, Caldeira, Estrada,
van Trikt, Swaen, Rodulfo, Vis, Hart, Oduber,
Daas, Arends, Henriquez, Chirino, Schmidt,
Geerman, Robert, Vanganswinkel, Kipp,
Lopez, de Graaf, Peterson.

Ta invita bisiña, amigo(a) y conocirnan pa asisti
na acto di despedida cual lo tuma lugar na
Aurora Funeral Home diaranson 5 di april 2023
di 2or pa 4or di atardi. Cremacion lo tuma lugar
den seno familiar.

Nos ta pidi disculpa si den nos tristesa nos por a
ludia un of otro famia.

Aurora

Royal Pray

Funeral Home & Crematory

"Virgen Santisima di Guadalupe muestra nos cu
bo ta nos Mama, defende nos den momento di
tentashon consola nos tristeza nan y yuda nos
den tur nos necesidadnan"

Ta participa fayecimento di:



**Sra. Vda. Rosalinda F.
Bernabela-Figaroa**
Cariñosamente yama "Linda, Linchi, mama,
Wela, Bieu"
*04-09-1951 - † 29-03-2023

Casa: † Agustino Theo Bernabela
Yiunan: Mariska & Rendel (Roy) Winterdaal
Lisandra Bernabela & Lorenzo (Bibi) Loopstok
Jaime Bernabela & Katty Gobbi
Nieto(a)nan:
Sidmar Williams & Darriana Leito
Jaimyson Bernabela & Alexandra Boekhoudt
Liandro Loopstok
Lyxienne Loopstok & Grego Regales
Royslenne Winterdaal
Hayleen Winterdaal
Jaimer Bernabela
Lindsay Loopstok
Erika Beatriz Gobbi Janvier & Prevart Janvier
Manera nieto (a): Maurice Antoine, Kylie
Wathey, Rutmilaine Dirksz
Bisanieta (a): Jahlixia Bernabela, Jahlixion
Bernabela, Jaimelyne Nelson,
Jayzienne Wernet
Manera bisanieta (a): Kacey-Ann Danja, Kaylen
Danja
Mayor: † Nicolas (Laca) Figaroa
† Joanna Figaroa – Simileer
Iha: Zulaika Sint Jago, Edward Figaroa
Bisiñanan: Soinise Antoine & Nico Mentor,
(Mama) Carlita Pardo & Famia,
Nis, Ada Maduro & Famia, Valerie Dongo
Rumannan, subrin(a)nan, primo(a)nan,
amigo(a)nan, cuña, swa, tanta y demas famia cu
ta hopi pa menciona.

Famia: Figaroa, Bernabela, Winterdaal,
Williams, Loopstok, Gobbi, Janvier, Leito,
Boekhoudt, Regales, Antoine, Wathey, Dirksz,
Nelson, Wernet, Danja, Simileer, Sint Jago,
Mentor, Pardo, Maduro, Dongo, Henriquez,
Tromp, Sprok, Fingal, Castaño, Franken, Perez,
Giel, Giron, Kelly, Jansen, Zijlstra, Semeleer,
Martes, Davelaar.

Ta invita pa asisti na e acto di despedida cual
lo tuma lugar diasabra 08 april 2023 di 9AM
– 11AM na Royal Funeral Home (Cumana) y
despues sigui pa acto di cremacion cu lo tuma
lugar den seno familiar. Linda su deseo ta pa bin
bisti na colornan alegre.

Famia ta pidi disculpa, si den nos momento di
tristesa nos por a lubida un famia of conocer
y disculpa cu nos no por ricibi bishita di
condolencia na cas despues di entiero

Aurora

Royal Pray

Funeral Home & Crematory

"Señor ta mi wardador, mi no tin falta di nada.
Den kunuku di yerba berde E ta ponemi sosega.
E ta hibami na awa trankil, pa mi bolbe haña forsa"

Cu inmenso tristesa y dolor na nos curason, pero
conforme cu boluntad di Dios, nos ta anuncia fayec-
imento inespera di mi esposo, tata y ruman stima:



Eric Anthony van der Biezen
* 28-7-1962 - † 28-3-2023

Na number di su:

Esposa stima: Sica van der Biezen-Simileer
Yiunan stima:
Eldrick "Ekkie" van der Biezen y Leeanne Kelly
Erishka "Ishka" van der Biezen y André Koolman

Mayornan: †Eugenio "Efi" y †Estelita "Chichi" van der
Biezen-Donata
Suegro y suegra:
†Pablo "Shon pa" y †Francisca "Kita" Simileer-Ruiz

Rumannan:

Albino y Helena van der Biezen- Semeleer
Diana van der Biezen
Elmira y †Hans Schlikker-van der Biezen
Olivia van der Biezen
Vilma y Rudy Villarreal-van der Biezen
Haime y Cecilia van der Biezen-Semeleer
Silvia y †Daniel van Heyningen-van der Biezen
Eugene y Violeta van der Biezen-Kock

Sobrino(a)nan y nan respectivo famia: Milouschka,
Anouska, Bianca, Aimee, Jairo, Sibelly, Akili, Eugene,
Aäron, Melania, Aurelio, Melissa, Arnold, Sorayda, Ray-
mund, Vianney, Randy, Ginho, Xavier, Ruginio, Anita,
Omaira, Francis y Tanisha.

Sua y cuñanan: Bibi y Toos Simileer-Zondag
Maria y †Nicolaas Everon-Simileer
†Nora Simileer
Jani y Julieta Simileer-Dania
Edwin y Maria Simileer-Orman
Frido y Maria Simileer-Jacobs
Thomas y Elcira Simileer-Hernandez Rodriguez
Rufino Simileer
Pablo y Harna Simileer-Doedens
Jovito Simileer
Hose Simileer
Gemma y Frans Figaroa-Simileer
Rudi y Blanca Simileer-Espitia

Omo y tanta, primo y primanan, Ihanan, amigo- y cono-
cirnan, bisiñanan, coleganan di S.V.O.A/ Colegio Aruba-
no, miembro nan di Thrill Walkers y Get fit.

Famia: van der Biezen, Simileer, Donata, Ruiz, Semeleer,
Schlikker, van Heyningen, Villarreal, Kock, Rooze, Plaat
y demas famia.

Ta invita pa asisti na e anochi di condolencia cual lo tuma
lugar dialuna 3 di april 2023, di 7or pm pa 9or pm na Au-
rora Funeral Home.

Acto di entiero lo tuma lugar diasabra 4 di april 2023, di
2or pm pa 4or pm na Parokia Santa Filomena, despues lo
sali pa Santana catolico Pastoor Kraanwinkel na Paradera.

Na lugar di flor of krans un donacion pa "Aruba Heart
Foundation" lo ta altamente aprecia. Lo tin un box dis-
ponibel pa e bunita gesto aki.

Nos ta lamenta cu despues di entiero nos no por ricibi
bishita di condolencia na cas.

Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”. Salmo 23

Cu inmenso dolor na nos curason pero nos ta
anuncia fayecimento di:



Marie O. Martin
*15-07-1937 - †01-04-2023

Acto di despedida lo wordo anuncia despues.

Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”. Salmo 23

Cu inmenso dolor na nos curason pero nos ta
anuncia fayecimento di:



Luis R. Franken
Mihor conoci como: “Robe”
*27-07-1952 - †03-04-2023

Acto di despedida lo wordo anuncia despues.

E derechonan di pashent

Biblioteca Nacional Aruba ta invita publico pa e charla ‘E derechonan di pashent’. Esaki ta tuma lugar ta tuma lugar dialuna dia 3 di april di 5 or y mey pa 7or. Orador ta **Sr. Jayburtt J. Dijkhoff. Un y tur ta bon bini. Porta ta habri 17:15 PM.**

Abo sa kico ta bo derechonan como pashent? Mayoria persona no sa y hopi biaha e dunadonan di cuido tampoco no a wordo informa kico tur e derechonan aki ta encera. Esaki ta hiba na un situacion peligroso. Pa e pashent, pasobra si e no sa, ta mescos cu e no tin derecho. Pa e dunado di cuido, pasobra asina e no sa kico tur e mester cumpli cune. E situacion aki no por keda asina.

Pa yuda pashentnan y e dunadonan di cuido, Sr. Jayburtt J. Dijkhoff, PhD, a skirbi e prome buki den Reino Hulandes riba e topico hopi importante aki. E buki ta skirbi specialmente pa e pueblo di Aruba. Ela wordo skirbi den un Papiamento cu ta facil pa compronde, cu hopi



ehempel basa riba casonan di bida real. E ta e unico buki cu ta splica e derechonan general, y hopi derecho specifico cu bo no ta haya ningun otro caminda.

E charla lo duna un bista general riba algun di e derechonan y lo subraya e hermentnan cu tur pashent mester sa, hopi prome cu e tin mester di cuido di salud. E charla aki lo toca e retonan di awendia pa tur pashent y pa e sector di salud, y e caminda cu nos mester tuma pa mehoracion. No solamente pa

e derechonan di pashent, pero tambe pa e posicion di pashent y e calidad di cuido pa tur hende. E charla y e buki ambos ta finalisa cu e yamada pa join e movimiento pa logra e cambio aki pa medio di synergia y derechonan colectivo, cual ta un concepto unico den nos Reino.

Pashentnan, dunadonan di cuido y tur persona cu ta interesa den e derechonan di pashent ta bon bini pa atende e charla aki. E lenguahe di e presentacion lo ta na Papiamento.

E di 15 aniversario di Mens Erger Je Niet Live, ta cla pa cuminsa

Bo grupo pa Mens Erger Je Niet Live ta cla?

Diaranson dia 5 di April ta e dia pa confirma bo grupo su participacion, di 6pm pa 9pm na Centro di Bario Brazil, pa e campeonato 2023. Ariba e fecha aki tur grupo ta haya nan fecha y color cu nan mester bisti pa nan prome wega di Mens Erger Je Niet.

E campeonato ta cuminsa dia 22 di april den Centro di Bario Brazil.

Dia 22 di April pa 7:00pm ta apertura di e 15 Aniversario di Mens Erger Je Niet. Y ta pa e motibo aki ta bay tin un ambiente alegre, Pues un tremendo JUMP UP (pafo) direccion pa entrada di CBB. Despues na e entrada den CBB cada grupo



mester drenta mescos cu e desfile di tur aña, caminda number di cada grupo ta wordo menciona etc. Corda bin cu algo pa identifica bo grupo for di leu, p.e. bandera, banner, borchis etc. E 64 grupo ta:
TABEL AKI

Mi team di mens erger je niet live ta cla pa campeon!!!! Y esun di bo??

Pa mas informacion por yama/whatsapp mr. Eddie Dandlau na 566-2208

1 Dushi Yui	17 Chipi Chipe Tine	33 CMCC	49 Pevesa Setar
2 Mete la pata	18 Screngerenge	34 Dream Catcher	50 Bisiña Cu Storia
3 Fusion Boys & Girls	19 Comando	35 Foot Loose	51 Sonella Crew
4 Lage Lora	20 Sin Miedo 2.0	36 Sende Gang	52 Vroom Toyota
5 Dynamite	21 Hat Master	37 Locura Loca	53 Entre Nos Family
6 Rooi Afo Fan Club	22 Spantz	38 Western Union	54 Biba Lekker Crew
7 Jun Jun	23 Weet Niks	39 Toch Ta Un Smak	55 Just 4 Fun
8 Keep on Walking	24 Bombers	40 Turtle	56 Lolipop Crew
9 Who's Next	25 Exlusive	41 Pasa Raspa Fit Gang	57 Happy Line Dancers
10 Bongo's	26 S.V. Web	42 Jolly Peeps	58 Busje Komt Zo
11 Heavy Yui	27 Aruba Vision Center	43 CMB	59 Jolly Shots
12 297 Gang	28 Mi Casita	44 Gaña sa	60 Plus Accountants
13 Kill By The Dice	29 Red Devils	45 Crumpy Crew	61 Gandelman
14 Jolly Jokers	30 Family Gang	46 Eagle Giants	62 Flatstone
15 Cana Malo Pasa Bon	31 Deurwaarder Roos	47 Justice Warriors	63 Pasa Dushi Pasa Pret
16 Oruans Rocks	32 El Loure	48 Manchebo	64 Hilton Hotel

Paisnan productor di petroleo ta corta suministro di crudo

(AP) — Paisnan productor di azeta lidera pa Saudi Arabia ta bisa cu nan ta cortando suministro di crudo – atrobe. E biaha aki e decision tabata un sorpresa y ta subrayando preocupacion tocante unda economia global por ta bayendo.

Rusia tambe ta participando door di extende su propio recorte pa resto di aña. En teoria, menos azeta cu ta bay den refineria mester nifica prijs di gasolin mas halto pa chauffeurnan y por boost e inflacion afectando Merca y Europa. Tambe por yuda Rusia surpasa sancionnan occidental relaciona na su invasion di Ucrania a custia di Merca.

E decision di e productor nan di azeta, hopi di nan den cartel di petroleo OPEC, pa corta produccion cu mas di



un miyon bari pa dia ta bin despues cu prijs pa crudo internacional a cay memey di un economia global den contraccion cu mester menos fuel pa biahe y industria.

E ta aña di na un reduccion di 2 miyon bari pa dia anuncia na october. Entre e dos recorte, esey ta como 3% di e suministro mundial di azeta.

Pakico e productornan ta haci recorte?

Saudi Arabia, e miembro dominante di OPEC, a bisa diadomingo cu e movida ta “precaucionario” pa evita un caida mas profundo den prijs di azeta. Minister di Energia Saudi, Abdulaziz bin Salman consistentemente a tuma un posicion cauteloso pa cu demanda futuro y ta faborece proactividad den ahusta sum-

inistro prome cu un posible caida den necesidad di azeta.

E posicion ta parce di keda confirma mientras prijs pa azeta a cay for di mas di \$120 pa bari ultimo berano na \$73 luna pasa. Prijs a aumenta despues di anuncio diadomingo, cu un crudo benchmark Brent bendiendo pa alrededor di \$85 ayera, un aumento di 6%.

Cu miedo di un recesion na Merca empeora pa collapse di banco, un falta di crecimiento economico Europeo y un recuperacion di China despues di Covid-19 durando mas largo cu loke a spera, productornan di azeta ta cauteloso di un collapse repentino den prijs manera durante e pandemia y e crisis financiero global na 2008-2009.

“Nashville shooter” a planea atake durante varios luna



(AP) — Polis a bisa cu e persona cu a mata seis persona, incluyendo tres mucha di nueve aña, durante un tiramento na un scol Cristian na Nashville, Tennessee, a pasa varios luna ta planea e masacre.

Polis no a establece un motibo pa e tiramento na The Covenant School, un scol basico chikito Cristian unda e asesino di 28 aña tabata un ex-estudiante, segun un comunicado for di Departamento di Polis Metropolitana di Nashville. Tanto polis di Nashville y agentenan di FBI ta continua revisando texto laga atras pa Audrey Hale, tanto na su vehiculo como na su cas, segun polis. “Ta conoci cu Hale a considera e accionnan di otro asesino en masa,” polis a bisa.

E tres mucha cu a mata tabata Evelyn Dieckhaus, Hallie Scruggs y William Kinney. E tres adulto tabata Katherine Koonce, 60, cabesante di e scol; custodio Mike Hill, 61, y maestro substituto Cynthia Peak, 61.

Hale a tira 152 bala durante e atake prome cu polis a mat’e. Esey a inclui 126 bala di rifle y 26 di 9mm, segun polis.

Pafo di e Capitol ayera, miles a rally den un yamado pa reforma di arma, hopi di nan studiantenan di scol den e area. Gobernador y legislatura di Tennessee a move pa suavisa ley di arma den añanan recién. E mesun dia di e masacre na Covenant, un hues federal a habri caminda pa baha e edad minimo pa localnan di e ciudad carga arma publicamente sin permiso na 18 – apenas dos aña despues cu un ley a pon’e na 21.

Gobernador Bill Lee ayera a revela un propuesta pa aloca suficiente fondo pa pone un agente di recurso di scol na cada scol publico, aumenta seguridad na edificio di scol y reforsa recurso pa salud mental.

Polis a bisa cu Hale tabata bao cuido di dokter pa “un desorden emocional” no especifica. Sinembargo, autoridadnan no a revela un vinculo entre e cuido y e tiramento.

Cuentanan riba rednan social y otro fuentenan ta indica cu e asesino tabata identifica como hende homber y por tabata recientemente usando e nombre Aiden. Polis a bisa cu Hale “a ser asigna femenino na su nacimiento” pero tabata usa pronombre masculino riba su perfil di rednan social.

We're HIRING

OPEN POSITION

Sales & Marketing Officer

Company Purpose

Aruba Excellence Foundation (A.E.F.) was established by the Aruba Tourism Authority (A.T.A.) with the objective to develop and implement value-added, educational programs that will enhance the quality of service and guest experience within the hospitality industry in Aruba. The A.E.F. is driven by Love, Unity, Pride, Freedom, Creativity, Charisma, Authenticity and Celebration – the Zjeito Values at the core of the Aruban DNA and Hospitality. A.E.F. is the Authority on Aruban Hospitality

Job Purpose

The Sales & Marketing Officer (S&M Officer) is responsible for driving sales by designing and implementing targeted sales and marketing strategies. The S&M Officer is also responsible for building and maintaining customer relationships, tracking sales data, and creating performance reports. The S&M Officer represents A.E.F. and as such understands and exemplifies who A.E.F. is and what it stands for.

Key Result Areas Include

- Sales & Marketing
- Social Media
- Public Relations
- Marketing Communications
- Research & Reporting

Communication

- Communicates regularly with the Director and colleagues on all organizational and programs related subjects and information.
- Communicates regularly with external organizations (Profit, Non-Profit & Governmental), customers, prospective customers, and media outlets.

Knowledge, Skills & Experience

- Bachelor's degree in Marketing, Communications, Business Administration, or related field.
- Minimum of 3 years of proven experience in a similar position.
- Results-driven with excellent sales, negotiation, marketing, and customer service skills.
- Excellent interpersonal and communication skills that includes public speaking and presentations.
- Excellent organizational, creative thinking skills and attention to detail.
- Pro-active with excellent time management skills with a proven ability to meet deadlines.
- Excellent analytical and problem-solving skills.
- Excellent data analysis and report writing skills.
- Strong knowledge of market research principles and techniques.

Apply now!

Apply now by sending your CV and motivational letter to e.broeksema@acp.aw !